




果部十一

逐實伏枳棋美賦密探

蘇美出棧式大賦許應楊桃



酸丹陽諸郡有之

蒟音

異物志曰蒟草樹果如柎欄而小三月採其葉細破乾之味近苦并甘雞舌香食之益善也

顧徽廣州記曰山檳榔大於大蒟子蒟子土人亦呼為檳

榔

左思吳都賦曰藿蒟豆蔻

木威

顧徽廣州記曰餘甘甘蔗木威黃皮其味殊苦

又曰木威高丈餘子如橄欖而堅削去皮以為椀

椀木

太平御覽

卷九百七十四

二

吳錄地理志曰廬陵南郡雩都縣有椀樹其實如甘蔗而核味亦如之

枕音

爾雅曰枕槩

音

也梅槩也

郭璞注曰枕樹似蕤子如指頭可食赤色似小椀也

椀

爾雅曰椀音

音

山海經曰庭之上山多椀木

曹毘魏都賦曰果則谷椀山音

音

楊桃

臨海異物志曰楊桃似南方橄欖子其味甜常五月十月

熟諺言楊桃无蹙一歲三熟其色青黃核如棗核

臨海異物志曰楊桃子生晉安侯官縣一小樹得數十石實大三寸可蜜藏之

庚仲初楊都賦曰楊桃枇杷
楊櫛

臨海異物志曰楊櫛有七眷子雖異味則无奇長四五寸色青黃味甘也

冬熟
臨海異物志曰冬熟如指大色赤其味甘勝梅

猴闌
臨海異物志曰猴闌子如指頭大其味苦可食

關桃
太平御覽 卷九百七十四

臨海異物志曰關桃子其味酸

土翁
臨海異物志曰土翁子如漆子大熟時甜酸其色青黑

枸槽
臨海異物志曰枸槽子如指頭大正赤其味甘

鷄橘
臨海異物志曰雞橘子如指頭大味甘永寧南界中有之

猴總
臨海異物志曰猴總子如指頭大與柿相似其味不減于

柿

臨海異物志曰多南子如指頭大其色紫甘與梅子相似
晉安侯官界中有之

臨海異物志曰王壇子如棗大其味甘晉安侯官越王祭壇邊有此果罔知其名者因見生處遂名王壇其形小于龍眼有似木瓜七月熟甘美也

王彪之園中賦曰王壇俟栗其色黃其味甜以

楊都賦曰草則龍目荔枝王壇丹橘

出熙安縣雲母山見南越志

陳初暢異物志曰三廉大實不但三雖各三廉或有四五六枝食之多汁味酸且甘藏之尤好與衆果相參

太平御覽

卷九百七十四

四

鬼目

爾雅曰符鬼目

廣志曰鬼目似梅人以飲酒

南方草木狀曰鬼目狀樹大者如木子小者如雞子二月花色迎連著實七月八月熟其色黃其味酸以蜜煮之滋味柔嘉交趾武平輿古九真有之

裴淵廣州記曰鬼目益智直爾不敢噉可爲漿也

交州記曰鬼目樹似棠梨葉似楮皮白樹高大如木瓜而小邪傾不周正味酸九月熟又有草昧子亦如之亦可爲糝因其草似鬼目

甘蔗

說文曰藟蔗也

漢書禮樂志郊祀歌曰百味旨酒布蘭生泰尊柘漿解醒

醒

應劭曰柘漿取柘汁以爲飲也

吳錄地理志曰交阯句扁音漏縣甘蔗大數付其味醇美異

于他處竿以爲錫曝之凝如水破如博碁入口消化

江表傳曰孫亮使黃門以銀盤并蓋就中藏吏取交州所獻甘蔗錫黃門先恨藏吏以鼠屎投錫中啟言吏不謹亮呼吏持錫器入問曰此器既蓋之且有納覆无緣有此也黃門將有恨汝耶叩頭曰常從臣討臣以物有數不敢與亮曰必是此也問具服卽于前加髡鞭斥撲

晉書曰顧恒之每食蔗自尾至本人或問之曰漸入佳境

太平御覽

卷九百七十四

五

宋書曰庾仲文好貨劉雍自謂得其取力事之如父夏中送甘

又曰元嘉末魏太武征鼓城遣使至小市門致意求甘蔗及酒孝武遣人送酒二器甘蔗百根

齊書曰宜都王鐸善射常以棚的太濶日終日射侯何難之有乃取甘蔗挿地百步十發十中

又曰范雲永明十年使魏魏人李彪宣命至雲所甚見稱美彪爲設甘蔗黃棕隨盡復益彪笑謂曰范散騎小驗之一盡不能復得

梁書曰庾沙彌性至孝劉母亡好噉甘蔗沙彌遂不食焉三國典畧曰陸納反湘州分其衆二千人夜襲巴陵晨至

城下宜豐侯修出壘門坐胡牀以望之納衆乘水來攻矢
下如雨修方食甘蔗會无懼色部分軍旅鼓而進之遂獲
其一艦生擒六十人納遂歸保長沙

又曰侯景至朱雀街南建康令庾信守朱雀門俄而景至
信衆撒衆始除一船見景軍皆著鐵面退隱于門自言口
燥屢求甘蔗俄而飛箭中其門柱備手中甘蔗應弦而落
隋書曰赤土國物產多同於交趾以甘蔗作酒雜以紫瓜
根酒色黃赤味亦香美

永嘉郡記曰樂城縣三州府江有三洲因以爲名對岸有
浦名爲菘子出好甘

盧諶祭法曰冬祀用甘蔗

太平御覽 卷九百七十四

范汪祠制曰孟冬祀用甘蔗

扶南傳曰安息國出甘蔗

廣志曰甘蔗餠爲石蜜

雲南記曰唐韋齊休聘雲南會川都督劉寬使使致甘蔗
七節希似竹許削去后亦有甜味

神異經曰南方荒內阡暗林其高百丈圍三丈促節多汁
甜如蜜

異物志曰甘蔗遠近皆有交趾所產特醇好木末无薄厚
其味甘圍數寸長丈餘頗似竹斷而食之既甘生取汁爲
飴餠益珍煎而曝之凝如水

甄異傳曰隆安中吳縣張牧字君林忽有鬼來无他須唯

欲啖甘蔗自稱高禡主人呼爲阿禡牧母見之是小女面
青黑色通身青衣

魏文帝典論曰嘗與平虜將軍劉勳奮威將軍鄧展等共
飲宿聞展手臂曉三兵余與論劍酒酣耳熱方食甘蔗便
以爲於下殿數交三中其臂

袁子正書曰歲比不登凡不給之物若甘蔗之屬皆可權

禁

楚詞曰騰

奴到

鼈炮羔有柘漿

司馬相如子虛賦曰諸柘巴菹

張協都蔗賦曰若乃九秋良朝玄酎初出觴浮花黃酒飲
累白挫斯蔗而療渴若漱醴而含蜜清津滋于紫梨流液

太平御覽

卷九百七十四

七

豐于朱橘

曹植詩曰都蔗雖甘杖之必折巧言雖美用之必滅

張載詩曰江南郡蔗釀液漉沛三巴黃柑瓜州素椌凡此
數品殊美絕配渴者所思銘之裳帶

李伯仁七款曰副以甘蔗豐弘誕節織液玉律旨于飴蜜
虞翻與弟書曰有數頭男皆如奴僕伯安雖癡諸兒不及
觀我所生有兒无子伯安三男阿思似父思其兩弟有似
人也去日南遠恐如甘蔗近抄卽薄

應璩與尙書諸郎書曰檀氏園葵菜繁茂諸蔗瓜芋亦雖
尙萌未知三生復何種植

馮植竹枝銘曰杖必取材不必用味相必取賢不必所愛

都蔗雖甘猶不可杖佞人悅已亦不可相

南方草物狀曰甘蔗民家常以二月種之至十月乃成卵大者如鵝小者如鴨掘食其味甜經久得風乃澹薄耳出交趾武平九真興古

陳邴暢異物志曰甘蔗似芋亦有巨魁剝去皮肌肉正白如南方人專食之以當米穀蒸炙皆香美賓客酒食亦施設有如果實也

燕蕒

毛詩豳七月曰六月食鬱及蕒

毛詩題綱曰葛藟一名燕蕒藤好生河澚邊得水潤而長喻王九族蒙王恩惠以育子孫今王无澤于族人不如葛

太平御覽

卷九百七十四

八

藟生河澚邊也

廣雅曰燕蕒藟舌也

廣志曰燕蕒似梨早熟

魏王花木志曰燕蕒實如龍眼黑色說文謂之嬰蕒詩疏一名車鞅藤爾詩七月食鬱及蕒此名燕蕒

潘岳閑居賦曰梅香蕒棗之屬繁榮藻麗之節

曹毘魏都賦曰英梅楊李若榴蕒棗

廉薑

廣雅曰蒨稜

相維切

廉薑也

湘州記曰始安縣空龍山精了山出廉薑

食經曰廉薑法蜜煮烏梅去滓廉姜再三宿色黃赤如琥珀

珀

劉楨清慮賦曰仰稱木蕤俯稜廉薑

太平御覽

卷九百七十四

九



太平御覽卷第九百七十四終

吳興陳燕分校

果部十二

甘蕉 扶留 芋

菱 芡 茨 薏 藜 藜 藜 藜

藕 甘蕉 扶留 芋

甘蕉

晉宮闈名曰華林園芭蕉二株

南齊志曰南詔土無食器以芭蕉葉藉之

廣志曰芭蕉莖或曰甘蕉莖如何芋重皮相裏大如孟升

葉廣二尺長一丈子有角子長六七寸或三四寸生為行

列兩兩相對若相抱形剝其上皮色黃白味似葡萄甜而

太平御覽

卷九百七十五

一

飽人其根大如芋魁一石青色其莖解散如絲織以為葛

謂之蕉葛雖脆而好色黃白不葛出色交趾建安

南州異物曰甘蕉草類望之如樹株大如者一圍餘葉長

一丈或七八尺廣尺餘二尺許花大如酒杯形色如芙蓉

著莖末百餘子大各為房根似芋魁大者如車轂寔隨華

每華一圍各有六子先后相次子不俱生花亦俱如此葉

有三種一種子大姆指長而銳有似羊角名羊角蕉味最

甘好一種子大如雞卵有似牛乳味微或羊角蕉一種大

如藕子長六七寸形正方少甘味最弱其莖如芋取以灰

練之可以紡績 異物志曰芭蕉葉大如筵席其莖如芋取饅煮之為絲可

紡績女功以爲締絡今交趾葛也其內心如蒜鴿頭生大如合梓因爲實房一房有數十枚有實皮赤如火剖之中黑剝其皮食其肉如蜜甚美食四五枚可飽而餘滋味猶在齒牙一名甘蔗
顧徽廣州記曰甘蔗與吳花實根葉不異直是南土煖不經霜凍四時花葉展其熟其未亦苦澁也
南方草物狀曰蕉樹子房連累甜美亦可蜜藏
遊名山志曰赤巖山水石之間有甘蔗林高者十丈
卜敬宗甘蔗贊曰扶踈似樹盾則非木

扶留

吳錄地理志曰始興有扶留藤木緣而生味辛可以合檳
太平御覽 卷九百七十五 二

椰共食

蜀記曰扶留木根大如斗視之似柳根又有蛤名古賁生水中取燒爲灰曰牡蠣粉先以檳榔著口中又以扶留長寸古賁灰少許同嚼之除胸中惡氣
異物志曰古賁灰牡蠣灰也與扶留檳榔三物合食而后善也扶留藤似木防己扶留檳榔所生相去遠爲物甚異而相成俗曰扶留可以忘憂

交州記曰扶留有三種一名樓扶留其根香美一名南扶留葉青味辛一名扶留藤味亦辛

廣志曰扶留藤緣樹生其花實卽茆也可爲醬

左思吳都賦曰石帆水松東風扶留

說文曰齊人謂芋為莒芋

孝經援神契曰仲冬昴星中叔莒芋

廣雅曰藉如水芋也亦曰烏芋

漢書曰汝南郡有鴻隙大陂翟方進為丞相奏破之郡中

追怨童謠曰壞坡誰翟子威飯我豆美食芋魁

又曰秦破趙連卓氏曰吾聞岷山之沃野下有蹲鴻蹲鴻芋也

至死不饑乃永遠遷之臨邛至僅百人

崔鴻十六國春秋蜀錄曰季雄克成都眾甚饑餒乃將民

就穀於鄭掘野芋而食之

南史孝義傳曰鮮子文宗漁陽人年七歲喪父父以種芋

太平御覽

卷九百七十五

三

時亡至明年芋時對芋嗚咽如此終身

汜勝之書曰區種芋法區枝三石

汝南先賢傳曰袁安字召公除陰平長時年饑荒民皆菜

食租不畢入安聽使輸芋曰百姓飢困令長何得食穀先

自引芋吏皆從之

又曰薛苞歸先人家側種稻芋稻以祭祀芋以充飢耽道

說禮玄虛無為

列仙傳曰酒客為梁丞使民益種芋三年當大飢卒如其

言梁民不死

風土記曰博士芋蔓生根如雞鴨卵

華陽國志曰何隨字季業蜀郡人母亡歸送吏飢輒取道

側民芋隨以帛繫其處使足所取值民相語曰 何
清民取糧令爲之償

博物志曰野芋食之殺人 人家芋種之三年不收后旅生亦
不可食

廣志曰凡十四芋有君芋大如魁有車轂芋有旁巨芋有
著邊芋此四芋魁大如餅少子葉如織蓋細色紫莖長丈
餘易熟長味芋之最善者也莖可作羹臠有蔓芋緣支生
大者二三升有雞子芋色黃有百果芋收收百斛有卑芋
七月熟有九面芋大小美有蒙控芋有青芋有曹芋子皆
不可食莖可爲茹又有百子芋出葉榆縣有魁芋無旁子

生永昌

太平御覽

卷九百七十五

四

本草經曰芋土芝八月採

左思蜀都賦曰瓜疇芋區

菱

爾雅曰菱葦櫟今水中
有也

尚書大傳曰鉅鹿菱鉅鹿人
也

周書曰冬食菱藕

周禮天官甸人職曰加籩之寔菱

國語曰屈到嗜菱有疾召其宗老而屬屈到楚卿
宗老家臣曰祭我

必以菱及祥宗老將薦菱屈命建去之建屈到之
子子木曰夫子

不以私欲干國之典也

漢書循吏傳曰龔遂爲渤海太守勸民秋冬益畜果實菱

謝承后漢書曰袁閔父賀爲彭城相亡閔到郡迎喪飢食
菱芡渴飲行潦

梁書曰魚弘爲湘東王鎮西司馬述職西上道中乏食緣
路採菱作飯給所部弘度所后人覓一菱不得又于窮洲
之上捕得獼猴數百爲脯以供酒食

淮南子曰楚靈王作章華之台棄疾乘民之怨而立公子
比百姓避而去之乃食菱飲水枕塊而死

呂氏春秋曰厲叔事甚陽公自以爲下知而去居于海上
夏日則食菱芡冬日則餐芋栗

杜恕篤論曰夫萍之浮與菱之浮相似也菱植根萍隨波

太平御覽

卷九百七十五

五

是以堯舜歎巧言之亂德仲尼惡紫之奪朱

風俗通曰殿堂象東井形刻荷菱水物無以厭火也

羅浮山記曰綏寧縣元龜淵中出菱甚爲甘旨

廣志曰鉅野大菱大于常菱淮漢以南荒年以菱爲蔬

范汪祠祭曰孟秋之祭菱芡

楚辭曰制菱荷以爲衣兮集芙蓉以爲裳

左思蜀都賦曰其沃瀛則有綠菱紅蓮

潘岳西征賦曰鳧濯漸唼菱芡

郭璞江賦曰忽忘夕而宵歸詠採菱以叩舷

曹植九愁曰採菱華而結辭

孫楚論屈建文曰加籩之品菱芡存焉楚多陂塘菱所生

父自嗜之而抑按宰祝既毀就養無方之禮又失奉死如生之義奪平素欲建何忍焉

芡

周禮天官甸人職曰加籩之寔芡

漢書曰龔遂為渤海太守勸民冬益畜果實菱芡

淮南子曰狸頭愈鼠雞頭已瘵鼠瘻入瘡狸愈之頭疾雞頭水中旱幽州謂之

鴈頭亦

崔豹古今注曰芡雞頭也一名雁頭一名芡葉似荷而大

葉上蹙衄如沸實有芒刺其裏如珠可以療飢止渴

方言曰菝音雞頭也北燕謂之菝清徐淮泗之間謂之芡

說文曰芡雞頭也

太平御覽

卷九百七十五

六

廣雅曰南楚江湖之間謂之雞頭或謂之雁頭

本草經曰雞頭一名雁實生雷澤

劉駒驗玄根賦曰芳林臻七朱竹離離菱芡吐榮若攄錦

而布繡

蓮

爾雅曰荷芙蕖其實蓮蓮中房也其中的中意蓮中心苦

毛詩陳宛丘澤陂曰彼澤之陂有蒲與荷有美一人碩大

且卷

史記曰龜千歲遊於蓮葉之上焉

吳時外國志曰大秦國有蓮藕雜果

宋起居注曰元嘉十八年有司奏揚州刺史王濬解稱州

治后池有兩蓮駢生雙房分體又十六年華林有雙蓮同幹秀出華池

又曰太 二年八月嘉蓮雙葩並實合跗同莖生豫州鱧湖又六年雙蓮一帶生東宮玄浦池

三國典畧曰齊王遺鄴高麗新羅遣使朝貢先是徐州蓮二莖兩蒂占云異木連枝遠人入歎斯其應也

又曰周平齊七幼主胡太后等並歸于長安初武成殂后有謠云千錢置果園中有芙蓉樹破券不分明蓮子隨他去調甚悲苦至是應焉

又曰高緯所幸馮淑妃名小蓮也

北齊書曰后主武平中待進侍中崔季舒宅中池內蓮莖皆作胡人面仍著鮮卑帽俄而季舒見殺

太平御覽

卷九百七十五

一

后唐書曰監軍張承業本朝舊人權貴任事人士脅肩低首候之唯馬郁以滑稽侮狎無忌每賓寮燕集承業出異方珍果陳列于前客無敢先嘗者當郁前者食必盡承業私戒主膳者曰他日馬監至惟以乾蓮子置前而已郁至窺之知其不可啖異韡日中置鐵錐出以擊之承業大笑曰爲公易饌勿敗子案

夏侯孝芙蓉賦曰秣房翠葉紫飾紅敷黃螺圓出垂蕤散髮纓以金牙點以素珠

孫楚蓮華賦曰攢衆星列織離相扶微若玄黎投幽夜粲

若鄧林飛鷓鴣

樂府歌曰江南可採蓮蓮葉何田田

藕

爾雅曰荷芙蕖其根藕

吳時外國志曰大秦國有蓮藕雜果

齊書曰永明中巴東王子嚮殺行事劉夤等武帝聞之謂羣臣曰子嚮遂反戴僧靜大言曰諸王應自反豈等巴東武帝問其故荅曰天王無罪而一時被困一挺藕一盃漿皆詬籤師不在則竟日忍渴

唐史曰蘇州進藕其最上者名傷藕或云荷名或云葉甘爲蟲所傷或云故傷其葉以長其根近多重臺荷蓋蓮實中又生花亦甚異也

太平御覽

卷九百七十五

八

司馬相如子虛賦曰咀嚼菱

夏侯孝芙蓉賦曰菱藕于玄泉

謝眺詩曰秋折輕絲

菜部一

菜

菜

詩曰我有旨蓄亦以御冬

御禦也言菜也。以禦冬月之無時也。

又曰其藪伊何維荀及蒲

藪菜

周禮春官曰入學釋菜合舞

入學必釋菜。舞也。師也。菜。釋菜之屬。

儀禮婚禮曰舅姑及沒則婦入三月乃奠菜

沒殺也。奠菜者。非菜祭也。

稱婦之姓曰某氏來歸敢奠嘉菜

始為。皇舅。

禮曰仲秋之月命有司趣民收斂務蓄菜

始為。蓄菜之也。

在傳曰蘋蘩藟藻之菜可荐於鬼神可羞於王公

太平御覽卷九百七十六

爾雅曰菜謂之藪蔬不熟為藪

藪菜總名。見詩。凡草菜可食。通石菜。蔬也。

論語曰雖蔬食菜羹瓜祭必齋如也

又曰飯蔬食飲水曲肱而枕之樂亦在其中矣

尚書大傳曰殺君之室雖生美菜有義之士弗食

后漢書曰劉平與母俱匿野澤中平朝出求食逢餓賊將

烹之平叩頭曰今且有老母求菜母老願得先歸食母畢

還就死涕泣賊見其孝讓而遣之平還既食母訖因白曰

屬與賊期義不可欺遂還詣賊衆皆大驚相謂曰常聞烈

士乃今見之子去矣吾不忍食子于是得全

又曰崔瑗愛士好賓客盛修肴膳殫極滋味不問餘產居

常疏食菜羹而已

謝朓后漢書曰汝南鍾離嚴海君少時郡人有人其園竊菜者明日拔菜悉遺鄉里人相約無復取菜者

又曰彭城朱躍字子卿爲漁陽相前相所種菜悉付還魏國志曰倭國地温冬夏食生菜

吳書曰趙咨使魏魏人曰聞江東有菑蹄菜若作爲食咨曰當得倉鱈以作菜

晉書曰皇甫咨姑子梁柳爲城陽太守或勸諮送之咨曰柳爲布衣過吾吾送迎不出門食不過鹽菜貧不以酒食爲禮也今而送是貴城陽太守而賤梁鴻李也豈中古入之道哉

又曰邵續爲石勒所執身灌園鬻菜以供衣食勒屢遣人太平御覽 卷九百七十六 一一

察之嘆曰此真高人矣不如是安足貴乎嘉其清苦賜穀帛每臨朝嗟嘆以厲羣臣

又曰植温性儉每謙唯以七奠拌菓而已

又曰吳隱之母喪哀毀嘗醃菹以其味旨輟而棄之及爲廣州清操愈勵常食不過菜及乾魚而已帷帳器服皆付外庫時人頗謂其矯然亦始終不易

宋書曰張敷父在吳興士成腹凡十餘日始進水漿藜畢不進鹽菜遂毀瘠成疾

又曰宗慤以軍功封洮陽侯先是鄉人庾業家豪富侈服

玉食與賓客相對膳必方丈而爲慤設粟飯菜菹謂客曰

宗上喜噉粗食慤致飽而退初無異辭至是爲慤長史帶

梁郡懸待之甚厚不以昔事爲嫌

又曰柳元景爲三公時在朝勲貴多事產業唯元景獨無所營南岸有數十畝菜得錢三萬還宅元景怒曰我立此園菜以供家啖耳乃復賣以取錢奪百姓之利耶乃以錢乞尚園人

又曰王玄謨柳元景桓護之雖並北人而玄謨獨受老僮之目凡諸稱爲四方書疏亦始之嘗爲玄謨作四時詩曰葦茹供春膳粟粢充夏食瓠醬調秋菜白醪解冬寒

又曰朱修之姊在鄉里飢寒不立修之貴爲刺史未會供膳往姊爲設菜羹粗飯以激之

齊書曰晉永嘉五年曲陽縣市黃慶宅左右有園東臨廣

太平御覽

卷九百七十六

三

數丈每種菜輒鮮異雖加採拔更生夜恒有白光似懸絹道士傳德古使人掘之三尺獲玉印文曰長承萬福

又曰宜都王銓生三歲喪母及有識問母所在左右皆以早亡便嘉蔬食自悲不識母

又曰江泌性仁孝食菜不食心以其有生意唯食老菜而

南史隱逸傳曰沈道虔辟州府凡十二命皆不就有編園桑者外還之仍自逃隱待竊者去乃出

梁書曰武帝大官常膳唯以菜蔬園案廝陳不過三盞

又了帝詔曰今雖無復牲腥猶有爲未盡可更詳定悉薦

時膳左丞司馬筠等叅議火餅代大臚餘悉用蔬菜帝嘗

之

三國典略曰梁蕭棟字吉豫章安王權之子也侯景以法
駕迎棟時棟與其妃執鋤種菜忽然見逼駭愕久之
后魏書曰甄琛母曹氏有孝性夫氏去家踰百里每得魚
肉菜菓珍羹口食者必令僮僕走奉其母乃后食焉

又曰高閭魯造胡叟短褐曳柴從田歸舍爲閭設濁酒蔬
食皆乎自辦案其館宇卑陋園疇偏局而飯菜精潔醯醬
調羹見其二妾並年衰跛眇衣布穿突閭見其貧約以衣
服直千餘疋贈之亦無慚愧

又曰盧義僖性清儉不營財利雖居顯位每至困乏麥飯
蔬食欣然甘之

太平御覽

卷九百七十六

四

三國典略曰北齊王以鄴清風園賜穆提婆于是官無蔬
菜除買於人負錢三百萬其人訴焉斛律光曰此園賜提
婆一家足不賜提婆百官足

又曰庫狄士文爲具州刺史性清苦不受公料家無餘財
其子嘗啖官厨餅士文柳之繫獄累日杖之一百步送還
京僮僕無敢出門所買菜必出於境凡有出入皆封署其
門親故絕迹慶弔不通

隋書曰姚察陳亡入隋詔受秘書丞別勅成梁陳二史又
敕于宋華門長泰文帝以察自奉疏菲別日召入內殿賜
菜菜謂朝臣曰朕聞姚察學行當今無比我平陳只得此

又朝親庶務下至園蔬皆自點闈大以爲難而涉慮之無

莊子曰宜泥窮子陳蔡之間顏回釋菜
孔叢子曰蔬謂之菜

金樓子曰秦始皇問鬼谷先生言因遣徐福入海求金蔬
玉菜

說苑曰楚文王伐鄭使王革子王子靈共稭菜二子出見
父人戴畚乞焉不與搏而奪之王聞之合拘二子將殺之
大夫辭曰取畚信有罪然殺之非其罪也君若刑殺之言
卒丈夫造軍而言曰鄭爲無道故伐之今君公之子搏而
奪吾畚無道甚於鄭乎夫命而君聞羣臣之曰討有罪而
太平衍覽 卷九百七十六 六

橫奪非所以禁暴也恃力虐老非所以教幼也愛子葉法
非所以保國也私二子滅三行非所以從政也

又曰楚莊王賜虞丘子菜田三百號曰園老以孫叔放爲
令尹

呂氏春秋曰菜之美者壽木之葉枯始之東木玄木之葉
餘膏之南有菜名嘉樹其葉碧

桓譚新論曰董仲舒專精於述古年至六十餘不窺園中
菜

山東六賢傳曰袁卞字叔隰陝慮人種菜一園左右竊取
度溝瀆卞乃爲之橋其教義如此

漢武內傳曰西王母聞上仙之藥有碧很菜

孝子傳曰北平陽公鞏水作漿以給過者兼補履屨不取其直天神化爲書生問云何不種菜曰無菜種卽與數升公種之化爲白璧餘皆爲錢公得以娶婦

廣州先賢傳曰丁密蒼梧人非豕織布不衣非己種耕菜菓不食蔬而民不食

杜蘭香別傳曰香降張碩賈瓦榼酒七椀多菜而無他味亦有世間常菓輒有三種色或丹或紫一物與海蛤相類并有非時菜碩云食之亦不甘然一食七八日不飢

荆楚歲時記曰正月七日謂之人日採七種菜以爲羹

兩京雜記曰隋大業六年諸夷來朝請入市交易煬帝許之於是修飭邸店皆使屋宇齊正卑高如一環貨充積人

太平御覽

卷九百七十六

七

物華盛競崇侈麗至賣菜者亦以龍鬚蒹藉之

魏王花木志曰吳郡邊海諸山悉生紫菜

崔豹古今注曰菹刑揚州人謂爲戢菜

杜寶大業拾遺錄曰徐孝悛性仁孝嘗在園中晝臥見人盜菜徐徐轉身向裡恐偷者見之敦行退讓皆此類也

漢張竦奏曰古叛逆之國猶其宮室以爲汙池名曰凶墟

雖生菜蔬而民不食

韭

詩曰四之日其蚤獻羔祭韭

禮曰春薦韭

又曰韭曰豐本

爾雅曰霍山韭 今山中多有九菜
皆如人菜猶舊

說文曰青韭葉韭菜一種久而生也象形在地上也
通俗文曰韭根白羹

山海經曰遇春山生山韭丹重之山其草多韭

梁紉傳曰古者公田爲井居竈葱韭盡取焉

漢書曰龔遂爲渤海太守民口種一畦韭

晉書曰石崇爲客作豆粥咄嗟便辦每夕得萍韭音并蠶王

愷每以此事爲恨乃密貨學帳下問其所以荅云豆至難

煮豫作熟有客來作白粥以投之耳韭萍菘是擣韭根雜

以麥苗耳

又曰溫嶠滅王敦先是童謠曰剪韭剪韭鬪老柳河東小

太平御覽 卷九百七十六

人

子令我與子以爲賊如韭柳尋得復生也

晉書后略曰成都王圍京邑城中無菜採陳韭芥以爲

菜

齊書曰周世隱鍾山王儉謂曰卿在山中何所食荅曰

赤朶白鹽綠葵紫蓼又問何者最佳曰春初早韭秋末

晚菘

又曰庾杲之字景行爲世祖征盧功曹清儉食貧唯韭菹

藟非雜菜或戲之曰誰言庾卽貧食畦嘗有二十七種言

三韭也

三國世略曰北齊太上后宮無限衣珠玉一女歲費萬

金卷月盡食韭芽

莊子曰徐無鬼見武侯武侯曰先生居山食芋厭菘韭今
老病欲酒肉之味耶無鬼曰君爲萬乘之主若國以義耳
曰君病矣勞吾子八問者大矣世以九爲難

列子曰老韭爲覓老輪爲猿李合公一十八八
魯連子曰市處者僕妾贈炙而食市饒也壅泉沃韭織履
之亡從兄弟室交往而不得粗糲焉韭愛其妾惡其父也
此其饒羨之與不足也皆感賤不耻而對

說苑曰衛有一夫負缶入井灌韭終日一區鄧皙過教之
曰有機重后輕前命曰杵杵終日訖九百區丈夫曰有機
智必有機心我非不知不欲爲也

正論曰小民髮如韭剪復生頭如雞割復鳴吏不必可畏

太平御覽 卷九百七十六 九

從來必可輕奈何欲整乎

漢武內傳西王母曰仙次藥有八阮赤韭

繆襲祭儀曰春祀和美芼以韭

水經曰交州牛樂山多龍穴傍生野韭人往乞者神許則
風吹刺分隨偃而拔不得過越不偃而拔輒凶也

銜知洛陽伽藍記曰李崇爲尙書書令儀臣三司富傾天

下童僕千人而性多儉悛惡衣粗食常無肉止有韭茹

韭菹崇家客李元祐語人云李令公一長十八種人問其

故元祐曰一九十八問者大咲世以此爲譏

諸葛亮教張君嗣曰去婦不顧門婁韭不入園以婦人之

性草菜之精猶有所恥想忠壯者意何所之

太平御覽

卷九百七十六

十



太平御覽卷第九百七十六終

吳興陳庶分校

太平御覽卷第九百七十七

菜茄部二

葱

薤

蒜

茄

蘇

葱

禮曰凡進食之禮葱蒜處末

又曰膾春用葱

又曰脂用葱

又曰為君子擇葱薤必絕其本

爾雅曰荅

古荅切 荅薤細莖大葉

漢書曰龔遂為渤海太守令人一口種五十本葱

太平御覽

卷九百七十七

一

又曰郡信臣為少府先是官園種冬葱薤復以屋晝夜然火待溫氣乃生奏罷之

東觀漢記曰孔奮字君魚為姑臧長時天下亂河西獨安

前長居官數月輒皆致產奮在姑臧四歲財物不增唯老

母極膳妻子但食葱菜或嘲奮曰置脂膏中不能自潤

文熙起居注曰十年有司奏太常謝澹遣四人還家種葱

菜免官

晉書曰居洛陽城十里內有園菜欲以當課聽引其長流

灌紫葱

又曰石勒時石聰佛骨澄戒勒曰今年葱中有蟲害人百

姓無食葱俄而聰走

后秦書曰姚興種葱皆化爲韭其后兵戈日盛

后周書曰宣帝大象年左衛園中葱變作薤

梁書曰呂僧珍拜南兗州刺史從父兄子先以販葱爲業僧珍至乃棄業求州官僧珍曰吾荷國恩重無以報効汝等自有常分豈可妄求加越當速反葱肆耳

金樓子曰名山之下生葱七薤者是古人種食石種也故語曰寧得一把五茄不用金玉一車寧得一片地榆不用明月寶珠五茄一名金鹽地榆一名玉莖惟此二物可煮石

又曰用紫芝煮石石美如脂食之可更調五味下橘皮葱

或

太平御覽

卷九百七十七

二

漢武內傳曰西王母曰仙上菓有立都綺葱

列仙傳曰阮公者鳴山上道士也衣裘髮覆耳耳長六七寸口中無齒日行四百里于山上種葱薤百餘年人不知也

春秋元命苞曰天門上有葱所種畦隴悉成行人拔取者悉絕若請神而求卽不拔自出奇異辛香

繆龍祭儀曰秋祀和羹芼以葱

西河舊事曰葱嶺在燉煌西八千里其山高故曰葱嶺也河源潛發其嶺分爲二水一水西經休循國國在葱嶺也

郭儀恭廣志曰循國居葱嶺其山多大葱

華陽國志曰曹公既與先主語失七會天震雷先主曰聖人言迅雷風烈必變良有以也曹公亦悔失言使人覘之見其拔葱公曰大耳公未覺也其夜先主急去
廣志曰有胡葱木葱

巴南山川記曰有石蒜石葱

續搜神記曰新野趙貞家園中種葱未經抽拔忽一日盡縮入地后經歲餘貞之兄弟相次分散

揚雄蜀都賦曰萬條榮翠藻若青黃離錦布繡望之無疆
潘岳閑居賦曰菜則有葱薤蒜芋青筍紫薑莖薺齊旨蓼蘇

薤

爾雅曰勤山薤

今山中多有此菜皆如人家所種

太平御覽

卷九百七十七

三

又曰薤鴻薺也

漢書曰龔遂爲渤海太守令民一口種百本薤

后漢書曰龐參爲南陽太守郡人棠者曰有奇節隱居教授參到先候之棠不與言但以薤一本水一盂置戶屏前抱孫兒伏戶下主簿白以爲倨參思其微意良久曰棠是欲曉太守也水者欲吾清也拔大本薤欲吾擊強宗也抱兒當戶欲吾開門恤孤也于是嘆息而還參在職果能抑強助弱以惠政待人

魏畧曰李孚字子憲爲諸生常種薤欲以成計有求索不與一莖亦不自食時人謂之能行意

世說曰桓公座有參軍猗蒸薤不時解其食者又不助面

猗終不放舉座皆咲

又曰蘇峻亂庾公南奔見陶侃雅相重及食廩噉蕪因語白陶問用此何爲庾云故可種于是尤嘆

列仙傳曰務光服蒲蕪根

荊州耆傳曰筑陽縣有蕪山山多野蕪以爲名

古詞曰蕪上朝露亦何稀

潘岳閑居賦曰白蕪負霜

又曰大蕪

爾雅曰麩山蕪

今山中多有此菜皆如人家所種

說文曰蕪菜之美者雲蕪之葷菜

東觀漢記曰李恂爲兗州刺史所種園小麥胡麻悉付從

太平御覽

卷九百七十一

四

事無所留

謝承后漢書曰江夏費遂字子奇爲揚州刺史悉出前刺史所種小麥胡蕪付從事

又曰太原閔仲叔者代稱節士雖同黨之潔清自以弗及也同黨見其含菽飲水遺以生蕪受而不食

王隱晉書曰郝詵母病苦車及亡不欲車載乃養雞種蕪得馬八匹輿棺至冢

齊書曰豫章王大會賓僚張融食炙始畢人便去融欲求

鹽蕪口終不言方搖食指半日乃息

梁書曰郡陵王何賊殺何智通旣擒賊智通于殺之割炙食之卽載出新亭四面火炙之焦熟敝車載錢設鹽蕪願

百姓食之撒一瓣賞錢一千徒黨拜母肉遂盡

抱朴子曰謂夏必長而蒜麥枯謂冬必凋而竹柏茂

正部曰張蹇使胡還得大蒜苜蓿

三輔決錄曰平陵范氏南陽舊語曰前遂大夫有范仲公
鹽豉蒜類共一角言其廉儉也

袁子正書曰袁子曰吾黨與陳茅息于鄴東門之外見一
老父方坐而食其子授之蒜食畢有餘欲棄則惜欲持去
到暑遂盡食于是火辛罄其腸胃兩目盡赤陳子笑之吾
謂之曰子之家中牛羊數千而不敢食天暑有曷死者而
后食之病子之軀亦獨是也

晉四王起事曰成都王穎秦惠帝還洛陽道中於客舍作
太平御覽 卷九百七十七 五

食宮人持斗餘粳米飯以供至尊大蒜鹽豉到獲嘉市粗
米飯瓦孟盛之天子噉兩孟燥蒜數株鹽豉而已

顏子家訓曰三輔決錄云前遂大夫范仲公鹽豉蒜類共
一筥類常音魏類之類北土通呼物一段爲一顆蒜是俗
間常語耳故陳王雀鷓鴣賦曰頤如顆蒜曰似掌椒

崔豹古今注曰蒜抑蒜也俗語謂之小蒜胡國有蒜十子
共爲一株二籜裹之名爲胡蒜尤辛于小蒜俗謂之大

蒜

冤報記曰梁廬陵王蕭績在荊州時常遣從事量括民田
南陽樂孟卿亦充一使公府舍人韋破虜遣試敕失主木
意及孟卿以數誤得罪破虜惶懼不敢引借但誣孟卿公
自當爲公分雪無勞訴也數日之間遂斬於市孟卿號

叫無由自陳唯語人以紙筆隨死殮后少日破虜在槽上看牛忽見孟卿挈頭而入持一椀蒜齏與之破虜驚呼奔走不獲己而服之因爾病未幾乃卒

廣五行記曰唐咸亨四年洛州司戶唐望之冬集計至五品進止未出問僧有來覓初不相識延之共坐少頃問曰貧道出家人得飲食亦少以公名故闍相記能設一頓齋否司戶欣然卽處公置魚此僧云看有蒜否司戶家人云蒜盡僧云蒜盡去也卽起畱之云蒜盡遣得賣僧云蒜旣盡不可更住苦留不可司戶果無疾暴亡
延薦與李文德書曰五折張騫大宛之蒜

潘尼釣賦曰西戎之蒜南夷之薑

太平御覽

卷九百七十七

六

茄

梁書曰蔡樽爲吳興太守不飲郡井水齊前自種白莧紫茄以爲常餌詔褒其清加信武將軍

杜寶大業拾遺錄曰四年改胡牀爲交牀改胡瓜爲白露黃瓜改茄子爲崑崙紫瓜

嶺南異物志曰南土無霜雪生物不復凋枯種茄子十年不死攀綠橘之樹高至二丈

嶺表錄異曰南中草菜經冬不衰故蔬園之中栽種茄子宿根有二三年漸長枝幹乃爲大樹每夏秋熟則梯樹摘之三年后樹漸老子稀卽伐去別栽嫩者

薑

春秋蓮斗樞曰旋星散爲薑失德逆時卽薑有翼辛而不臭也

援神契曰薑禦溫菜也

禮記檀弓上曰喪有疾食肉飲酒必有草木之滋焉以爲薑桂之謂也

論語鄉黨曰不撤薑食

韓詩外傳曰宋玉因其友見楚栢楚相待之無以讓其友其友曰夫薑桂因地而生不因地而辛女因媒而嫁不因媒而親子之子王朱也何怨于我也

史記曰禹家之城千畦薑與千戶俟等

魏志曰倭國有姜不知其滋味

太平御覽

卷九百七十七

七

齊書曰孔珍之爲臨川太守在任清約罷郡還獻乾薑二斤武帝嫌其少后知之乃嘆息

梁書曰周拾占對便捷嘗居直語及嗜好裴子野言從來不嘗食薑拾應聲曰孔稱不撤裴乃不嘗一坐皆悅

呂氏春秋曰和之美者楊僕之薑招搖之桂

楊僕地名在蜀郡招搖在

桂陽越駱之節

神仙傳曰吳孫權使介象作變化種菜瓜百菓皆立生可食先主論鱸魚何者絕美象曰鱸魚先主曰先生論近道

魚耳北出海中安可得乎象曰可得乃令人於殿庭中作方坑汲水滿之并釣魚之餌垂綸於坑中不過頃得鱸魚先主驚喜問象曰可食否象曰故爲陛下取安收取不可

食之物使厨下切之先主曰聞蜀薑作齏至佳此間薑永不及也恨爾時無此薑象曰蜀薑豈不易得願差使以行並付以直象自書一符以青竹杖使行人騎杖止便買薑閉目此人承其言騎杖須臾止已到成都不知是何處問人言是蜀市乃買薑於時吳使張溫見之於市問之曰與帝買薑於是甚驚作書寄家此人買薑畢捉書騎竹杖閉目復須臾已還到吳厨切膾亦適了也

李先生傳曰郎仲喬鬻于羊渚遇神人意欲啖薑而市無之神人以絹數疋并書一牒付之入市門南下任意所如須臾得薑數斗還以問神人神人曰問李先生當知我

博物志曰伏波將軍唐蜀人殺姜法先酒掃別粗細爲三
太平御覽 卷九百七十七 八

輩盛著籠中作沸湯沒籠著湯中須臾取一片橫截斷視其熟否熟訖便內著甕中細椿米末以覆上合姜不見訖以向湯令復沸便相掩消火合甕中當自沸沸便陰乾之又曰妊娠者可啖生姜今其盈指

嶺表錄異曰山姜花莖葉可食也根不堪食而于葉間吐花穗如麥粒嫩紅色南人選未折開者以鹽淹藏入醅糟中終冬如琥珀香辛可重用爲膾無加也

又曰以鹽藏曝乾煎湯極能治冷氣

蘇

爾雅曰蘇桂荏也

方言曰周鄭之間謂之公薺湘沅之間謂之薺

沙洲記曰乞佛虜不識五穀唯食蘇菜

水草經曰芥菹一名水蘇

吳氏曰假蘇一名
鼠實一名薑芥也

太平御覽

卷九百七十七

九

太平御覽卷第九百七十七終

吳興陳杰分校

菜茹部三

瓜

易夬卦曰九五以杞包瓜含章有隕自天

龍魚河圖曰瓜有兩鼻者煞人

詩曰文王之興木由太王也綿綿瓜瓞民之初生自土沮

漆興也

箋云瓜之本實維先歲之瓜必小狀似瓞故謂之綿七然若將無長大時興者喻后稷乃帝嚳之胃

封於郟其後公劉失職迂於豳居沮漆之地亦世亦綿綿然至太王而得其民心而生王業故木周之興云自沮漆也

大戴禮曰五月乃置乃瓜治瓜之辭也瓜也者始食瓜八

月剝瓜畜瓜時也

太平御覽

卷九百七十八

禮曰為天子削瓜者副之中以緡

副削也既削中祀之乃橫斷而中覆焉

為

國君華之中以絡

華中製之不四折也

為大夫果之

果保也動不巾覆也

士壹

中裂橫斷去之變而已音帝庶人齧之

又月令曰仲冬之月行秋令則天時雨汁瓜瓠不成

雨汁水雪

下雜

左傳曰齊侯使連稱管至父戍葵丘瓜時而往曰及瓜而

代期戍公問不至請代不許故謀作亂

春秋運斗樞曰遠雅頌著倡優則李生瓜

論語曰子路曰佛肸以中牟叛子之往也如之何子曰然

有是言也不曰堅乎磨而不磷不曰白乎涅而不緇吾豈

匏瓜也哉焉能繫而不食

爾雅曰政其紹興

史記曰邵平者故秦東陵侯秦破爲布衣貧種瓜長安城東瓜美故世爲東陵瓜

漢書地理志曰燉煌古瓜州地生美瓜

續漢書曰牽牛星荊州謂之河鼓主關梁織女主瓜果

又曰安帝元初三年有瓜異本共生一瓜蒂時以爲瓜者外焉離本而實女子外屬之象也是時閭皇后與外親耿寶共譖太子廢爲濟陰王更外迎濟北王子犢立爲大子

袁山松後漢書曰建和二年河東瓜兩體共蒂

後漢書曰施建字君子沛縣人也家貧母老常鬻力供養

太平御覽

卷九百七十八

二

種瓜自給

應劭漢官儀曰太官丞官別在外掌瓜果菜茹

吳志曰步騭字子山臨淮淮陰人也避雖江東單身窮困與廣陵衛旌同年相善俱以種瓜自給晝勤四體夜誦經傳會稽焦征羌郡之豪族客放縱騭與征求食其地懼爲所侵乃共修刺奉瓜也

吳錄曰姚翁仲嘗種瓜果灌園以供衣食時人或餉一無所受

晉書曰咸寧二年嘉瓜同蒂生於成都

又曰皇甫謐二十不學遊蕩無度或以爲癡嘗得瓜果輒進叔母在氏任氏曰孝經云三牲之養猶爲不孝汝今年

三十餘目不存教心不人道無以慰我

父曰桑虞仁孝自天年十四喪父毀瘠過禮虞有園宅北數里瓜菓初熟有人踰垣盜之虞以園援多棘刺盜偷見人驚走而致傷損乃使奴爲之開道及偷負瓜將出見道通聞虞使除之乃送所盜瓜叩頭請罪歡然盡以瓜與之齊書曰建元初武帝卽位郅撝爲司徒左長史使先是武帝與撝同從宋明帝射雉郊野渴倦撝得青瓜與上對剖食之

又曰郭原平以種瓜爲業大明七年大旱瓜瀆不復通船縣令劉僧秀愍其窮瀆下水與之原平曰普天大旱百姓俱困豈可減溉田之水以通運瓜之船乃涉他道往錢塘太平御覽

卷九百七十八

三

貨賣

沈約齊書曰韓靈敏早喪父兄靈珍至孝母亡家貧無以葬與靈珍種瓜靈敏朝採暮還復生未嘗減耗事由此舉梁書曰任昉卒武帝聞問方食西薤綠沉瓜投之於盤悲不自勝因屈指曰昉少時嘗恐不滿五十今四十九可謂知命

又曰郭祖深清儉常服故布衣素朴食不過一肉有姥餉一青瓜但深報以匹帛有富人効之以貨鞭而徇衆朝野憚之

又曰鄭灼字茂昭勵志好學多苦心熱若瓜時輒偃臥以瓜鎮心起便讀誦其篤志如此

北齊書曰蘭欽爲廣州刺史映之薨南安侯恬羅行州事
覬得卽真及聞欽至嶺厚貨屬人塗刀以毒削瓜進之欽
及愛妾俱死帝聞大怒檻車收恬削爵土

後漢書曰楊愔典選多以言貌取人時謗詞曰尙書典選
似貧人買瓜唯取大者

又曰郭祚以本官領太子少師祚常從世宗幸東宮肅宗
幼弱祚懷一黃瓠出奉肅宗時應詔左右趙桃弓深爲世
宗所信郭祚私事之時人謗祚者號爲桃弓僕射黃瓠少
師

後周書曰王羆性儉嗇常有客與羆食瓜客削瓜侵膚稍
厚羆意嫌之及瓜皮落地乃引手就地取而食之客甚有

太平御覽

卷九百七十八

四

愧色

又曰趙王招知隋文欲遷周鼎密欲圖之藏兵刃於帷席
之間後院亦伏壯士文帝從者多在閣外惟楊弘元生於
戶側招以佩刀割瓜啗隋文未之疑元胄覺變扣刀而入
招廼以大觴親飲胄酒

北史曰宋瓊字普賢以孝稱母曾病季秋月思瓜瓊夢想
見之求而遂獲時人異之

隋書曰文帝用法定制行署取一錢已上聞見不告言者
坐至死自此四人共盜一櫬桶二人同竊一瓜事發卽時
行決

又曰秦孝王俊奢侈過甚頗好於內妃崔氏性妬甚不平

之遂于瓜中進毒俊由是遇疾徵還京師上以其奢縱免
官以王就第

唐書曰杜如晦薨後太宗食瓜美愴然思之遂輟其半使
置之于靈座

又曰高宗子八人武后所出者自爲行第長曰孝敬皇帝
監國仁明爲后所忌而鳩之次曰雍王賢爲太子次曰中
宗次日睿宗及孝敬遇害諸弟嘗有所不安晨夕懷懼雖
父母之前無由敢言乃作黃臺瓜詞令樂人歌之欲微悟
上意歌曰種瓜黃臺下瓜熟子離離一摘使瓜好再摘分
瓜稀三摘尚猶可四摘抱蔓歸然太子竟亦流竄于黔州
又曰德宗建中初誤以高力士養女楊氏歸爲沈太后是
太平御覽 卷九百七十八 五

時沈氏已老故盡無識太后者上密使中人就洛陽視高
氏年狀頗同曩時太后嘗削瓜哺上刃傷左拇指高氏嘗
剖瓜亦傷左拇指中人皆闔官女子且非審識太后見上
仁孝有殊喜莫敢沮者高氏辭曰實非太后具陳族姓內
外以自明

又曰貞元四年夏右神策軍獻瓜三蔓各爲一帶而生三

瓜

莊子曰朽瓜化爲魚物之變也

墨子曰今有人入場園取人瓜者得罰今之諸侯攻伐踰
竊人瓜者數千萬而自義也

秦子曰食瓜者雖去蒂何人連其根

孫卿子曰臯陶之色如削瓜

抱朴子曰五原蔡誕入山而還欺家人云至崑崙山有玉瓜其形如世間瓜但爲光明洞徹而堅須以玉井水流之便軟而可食

又曰曾參鋤瓜三足烏集其冠孝故也

家語曰曾子芸瓜而誤斷其根曾皙怒以大杖擊其背曾子撲地有頃乃蘇孔子聞之告門弟子曰參來勿內也會子使人請孔子孔子曰舜之事瞽瞍小捶則受大捶則走參委身以待暴怒旣身死陷父於不義不孝孰大焉

古文奇字曰秦改古文爲大象及餘字周人多誹謗怨恨秦苦天下不從而諸生到者拜爲郎凡七百人密種瓜於太平御覽

卷九百七十八

六

驪山硯穀中溫處瓜實成使上書曰瓜冬有實有詔曰博士諸生說之人人各異說則皆使往視之而爲伏機諸生賢儒皆致焉方相難不決因發機從士填之以上皆壓死古文瓚語曰初刑史子臣謂宋景公從今已往五月五日臣死後五年五月丁巳五祀八月辛巳君薨刑臣將至死日朝見景公夕死後吳亡景公懼思刑史子臣之言將至死日乃逃於瓜圃遂死之求得已蟲矣

賈誼新書曰昔梁大夫宋就爲邊縣令與楚鄰界梁亭楚亭皆種瓜梁亭劬而數灌其瓜美楚人窳而稀灌其瓜惡楚令以梁瓜之美怒其瓜之惡因往夜竊搔梁瓜皆有焦者矣梁亭覺請其尉欲執搔楚瓜宋就曰是構怨分禍之

道也令人竊爲楚亭夜灌其瓜令勿知也楚亭旦而往瓜則已灌曰瓜以美楚亭往而察之則梁亭之爲也楚令大悅因以聞楚王楚王聞之悅梁之陰讓也乃謝以重幣而友於梁王

斐淵廣州記曰有瓜冬熟號爲金釵味乃甘美

廣志曰瓜之所出以遼東廬江燉煌之種爲美有烏瓜狸頭瓜密角瓜女臂瓜龍蹄瓜羊體瓜又名魚瓜如大瓜如斛出梁州陽城瓜有青登瓜大如三升魁有桂枝瓜長二尺餘蜀地温食瓜至冬熟有春日瓜細小小瓣宜藏正月種三月成有秋泉瓜秋種十月熟形如羊角色蒼黑

列仙傳曰溪人者南郡編人居山間有仙人常止其家從

太平御覽

卷九百七十八

七

之買瓜教之練瓜與附子桂實服之一年能飛登山入水往來海邊

又曰服闋者不知何許人常往來海邊諸祠中有三仙於祠中賭博瓜顧閭使擔黃瓜數十頭令瞑目乃上方丈山

神仙傳曰葛公冬爲客設生瓜

漢武內傳曰西王母謂上元夫人曰後造朱炎山陵食靈瓜其味甚好願此未久已七千歲矣

又曰仙之上藥有空同靈瓜四劫一實也

道學傳曰褚雅字玄通人與其居常取水洒掃或夏月種

瓜恣來取

伏侯古今注曰孝平帝元年武陵縣生瓜花如蔥紫色實如小麥墮地復生

郭子橫洞冥記曰有龍肝瓜長一尺花紅葉素生於水谷所謂水谷素葉之瓜

零陵仙賢傳曰李融字元者承陽人固姑侯相使其爲政得民心屢致祥瑞甘瓜六子共莖壘書慰勞遷廣漢太守南岳夫人內傳曰夫人姓魏名華存性樂神仙季冬之夜半清明有四真人並可年二十餘天姿秀穎至靜室因設酒肴陳紫椀降實靈瓜

太山黃庭內景經注曰大霍山下自洞臺司命君之府也中有神靈瓜食之者至玄也

太平御覽

卷九百七十一

八

荆楚歲時記曰七月七日設瓜菓子庭中以乞巧有喜子布網於瓜上得巧

劉向別傳曰尹都尉書有種瓜篇

鄭玄別傳曰民有獻嘉瓜者異本同實縣欲表府文辭鄙畧君爲改作又著頌一篇侯相高其才

吳越春秋曰吳王夫差爲越所敗遁而去得自庄之瓜其實已熟撥而食之問左右曰是乃冬有瓜近道而人不食何也左右曰盛夏之時人食生瓜起居道傍瓜子復生故人惡食

夏侯曾先會稽記曰曹娥父溺死娥見瓜浮其處卽得父

屍

博物志曰人以冷水自漬至膝可頓啖數十枚瓜漬至腰
啖轉多至頸可啖百餘枚所漬水皆作瓜氣瓜味

搜神記曰吳時有徐光常術於市里從人乞瓜其主弗與
便從乞種便種之俄而瓜蔓延生花實乃取食之因賜觀
者及視所資皆亡耗矣

幽明錄曰安定人周敬種瓜時亢旱鬼爲輦水水澆瓜瓜
大滋繁問姓名不荅還曰父曰嘗有惠於人否父曰西郭
樊營先作郡吏償官數百斛米我時以百斛助之其人已
死

又曰孫鍾富春人堅父也與母居至孝篤信種瓜爲業有
三少年容服妍麗詣鍾乞瓜愛樂無已爲設食出瓜敬禮
太平御覽 卷九百七十八 九

殷勤臨去曰我等司命感卿見接之厚送出門三人曰山
中可作塚復言欲連世封侯爲數世天子鍾曰數世天子
言訖悉化成白鶴

列異傳曰遼東丁伯昭自說其有客字次節旣死常爲本
家致奇異物試臘月中從索瓜得美瓜數枚來在前不見
形也

述異記曰豫章郡有盧松村羅根生于此村側墾荒種瓜
又於立一神壇瓜始引蔓清晨行之忽見壇上有新板墨
書曰此是神地所遊處不得停止種植可速去根主拜謝
跪呪曰竊疑村人利此熟地生苗容或假托神旨見驅斥
審是神教願更朱書賜報明早往看向板猶存悉以

任昉述異記曰漢章帝元月上虞獻雙蒂瓜一實五色

又曰吳桓王時會稽生五色瓜今吳有五色瓜歲充貢獻
五行記曰梁吏部尚書何敬容夏患瘡疾寄在蔣山道士
館忽見一人玄衣大帽立在帳側自稱楊胡靈將瓜四枚
云與公少時言訖因不見後數月以罪免官

本草經云瓜一名土芝

吳氏本草經曰瓜子一名辨七月七日採可作而脂

劉禎瓜賦曰禎在曹植坐厨人進瓜禎爲立成辭曰含金
精之流芳冠種瓜以作珍設諸清流一浮一藏片以金刀
四剖三離承之雕盤幕以織絺甘伴蜜房冷甚水圭

太平御覽

卷九百七十八

十

稽含瓜賦序曰世云三芝瓜處一馬謂之芝

張載瓜賦曰羊骸虎掌桂枝密筍玄表丹裏呈素含紅豐
敷外偉綠麤內釀

傳玄瓜賦曰白者如素黑者如黃踰金箱青伴含翠舊有
蜜筍及青括摟賦嘉味溢口異類鮮儔一齧之頃至三搖
頸細肌密理多臙少瓣豐旨絕異食之不餒

陸機瓜賦曰夫其種族頭數則括摟定挑黃扁白搏金釵
蜜筍小青大班玄胥素腕狸首虎蟠東陵出於秦谷桂髓
起於巫山

夏侯孝若賦曰入菓林造瓜田摘虎掌拾黃斑落離蒂母

清於寒泉

王廙洛都賦曰瓜則桂枝括攬綠廳青肌消暑蕩解渴療
饑

樂府歌詩曰君子防未然不處嫌疑間瓜田不納履李下
不整冠

古詩曰甘瓜抱苦蒂美草生荆棘愛利防有刀貪人自還
賊

阮藉曰昔聞東陵瓜近在青門外連畛短阡陌母子相拘
蒂

張華真人篇曰朱李生東苑甘瓜出西郊

曹植求祭先王表曰乞請水瓜五枚

太平御覽

卷九百七十八

七

太平御覽卷第九百七十八終

吳興沈宸分校

太平御覽卷第九百七十九

菜茹部四

瓠

葫蘆

蓼

葵

蕪菁

瓠

詩碩人曰齒如瓠犀

又曰八月斷壺

又曰瓠有苦葉濟有深沙

陸機毛詩疏義曰瓠有苦葉瓠瓠也葉小可為美揚州人食至八月葉即苦故曰苦葉

論語曰吾豈瓠瓜也哉焉能繫而不食

太平御覽

卷九百七十九

一

爾雅曰瓠犀瓣

魏畧曰高辛氏有馬婦人居王官得奇疾醫為挑之得物

大如蠶盛以瓠覆以盆化為大五色因名盤瓠

晉書曰杜預病嬰智計以瓠繫拘之頸每大樹瘦則斬使

白乃題曰杜預頸乎盡捕殺之

又曰祖逖在河南百姓感悅嘗置酒大會耆老坐中流涕

曰吾等老矣更得父母死將何恨乃歌曰幸哉遺黎免俘

虜三展既明遇慈父母酒忘勞甘瓠脯何以永思歌且舞

其得人心如此

宋書曰徐文伯會祖熙好黃老隱於秦望山有過客承飲

留一瓠瓢與之曰君子孫宐以遜術救世當得二千石熙

問之乃扁鵲醫經一卷

齊書曰夏彬性好飲酒瓠壺瓢 皮爲肴著皂巾十二年不改易以大瓠爲籠什物乃諸詭異自居下田居後周書曰強練師不知何許人所至之處人皆敬而信之晉公護未誅之前曾手持一大瓢到護第門外抵而破之乃大言曰瓠破子苦未幾而護誅諸子並伏法管子曰一年之計莫在樹穀十年之計莫在樹木終身之計莫在樹人瓜瓠葷菜不備國之貧也

莊子曰惠子曰魏王貽我大瓠之種我樹之而成實五石以盛水漿其堅不能自舉剖之以爲則郭洛無所容非不大也吾爲其無用剖之莊子曰夫子固拙於用大也

太平御覽

卷九百七十九

二

國語曰諸侯伐秦莫濟叔向見叔孫穆子穆子曰豹之業業乃瓠有苦瓠矣不知其他叔向退召丹虞與司馬曰丈苦瓠不材於人共濟而已是行魯人與莒人先濟

新序曰魏文侯見箕李牆壞不治問其故曰不時也又進瓠羹

文侯曰牆壞不築教我無奪民農功貽我瓠羹教我無多百姓

王充論衡曰干將之劍未磨瓜瓠不能傷

又曰婦人疎孕者子活乳數者子死譬苦瓠華多實少

風俗通曰燒穰俗說家人燒黍穰則使田中瓠枯死

水經曰今豫州汝南郡城西北汝水左右出西北流又屈

而東轉又西南會汝州若垂瓠者老云城取名焉

大康地志曰朱崖儋耳無水唯種大瓠藤斷其汁用之亦足

嶺南異物志曰儋崖種瓠成實卒皆石餘

葫蘆

蜀志曰張裔字君嗣如瓠壺外澤而麤

三國典畧曰齊武帝皇后胡氏安定人魏守書令克州刺史延之女也女盧氏懷孕延之初有胡僧來詰門曰此宅瓠蘆中有月

崔豹古今注曰瓠壺蘆也壺瓠之無柄者瓠有柄者懸瓠可作笙曲沃者尤善秋乃可用則漆其裏

太平御覽

卷九百七十九

三

又曰瓠匏也其摠曰匏瓠則別名

世說曰陸士衡初入洛謔張公所宜曰詣劉道貞是其一
既往劉尙哀制中性嗜酒禮畢初無他言惟問東吳有長柄壺蘆卿得種來否陸兄弟殊失望乃云悔去

廣五行記曰西城夷國有石路駝腹下出水以金鐵器取便漏下唯匏蘆盛之則不漏飲之令人體滑香淨其國神
秘不可教遇

嶺南異錄曰葫蘆笙交趾人多取無柄者瓠割而爲笙上
安十三簧吹之音韻清響雅合律呂

蓼

爾雅曰善虞蓼

詩曰閔予小子未堪家多難予又集于蓼

禮曰膾秋用蓼鶉羹雞鶩釀之蓼

吳越春秋曰越王欲復怨非一旦也苦思勤心夜以接日

臥則以蓼

劉向別傳曰尹都尉書有種蓼篇

魏子曰君以臣爲本以民爲根猶室與柱梁相持也梁不

強則上下俱亡故蓼蟲在蓼則生在芥則死非蓼仁而芥

賊也本不可失也

任昉述異記曰長沙定王故宮有蓼園云定王故園也菜

之辛者謂之蓼

吳氏本草曰蓼實一名野蓼一名澤蓼

太平御覽

卷九百二十九

四

大木蓼

廣雅曰藟葵也

詩曰七月烹葵及菽

爾雅曰菘菟葵薦戎葵菽

韓詩外傳曰魯監門女從續中夜而泣其偶問其故曰宋

司馬得罪於宋食吾園葵是歲吾園世葵越攻吳諸侯畏

其威魯往獻女吾姊預焉兄往視之道畏而死由此觀之

禍福相及也

陸機毛詩疏義曰菽一名比一不名楚葵似蕪菁英華紫

綠色可食微苦也

左傳曰齊慶克通于聲孟子鮑牽見之告國武子武子召

慶克謂之夫人訴之乃別鮑牽仲尼曰鮑莊子之智不如葵猶能衛其足

史記曰公儀休爲魯相食茹而美之拔去園葵也

晉書曰江統上太子書曰今西園賣葵菜藍子雞麩之屬虧敗國體貶損政令

北齊書曰王攸字子深少孤獨種葵三畝數被人盜之王攸密令人書葵葉下明旦市看之遂得偷者

管子曰桓公北伐山戎出冬葵布之天下桓公憂北郭民貧管子請禁去市三百步者不得樹葵菜此則空有以相給

淮南子曰聖人之於道猶葵之與日雖不能與終始其鄉

太平御覽

卷九百七十九

五

之誠也

繆襲祭儀曰夏杞和美苢以葵

列仙傳曰丁次都不知何許人也爲遼東丁氏作人丁氏嘗使買葵冬得生葵問冬何得有云從日南買來

列女傳曰魯漆室有女過時未適人倚柱而嘆鄰婦謂曰

何悲也欲嫁乎女曰吾憂魯君老而太子少也婦曰此魯

夫人憂焉女曰昔有晉客舍吾家繫馬於園馬佚踐吾園葵使吾終歲不厭葵味隣女奔亡借吾兄追霧出以求弱

流而死使吾身無兄吾聞河潤九里漸洳三百步今魯國

微弱亂及人三年魯果亂

師曠占曰黃帝問師曠曰欲知牛馬貴賤秋葵下小生

牛馬貴小莢不生賤

博物志曰陳葵子微火炒令爆乾散著熟地中遍踏朝種暮生遠不過宿陳葵子秋種履蓋令經冬不死至春有子是也

潘岳閑居賦曰綠因含露白薤負霜

鮑明遠葵賦曰別有鴨腳脆耳

古歌辭曰採葵莫傷根傷根葵不生結交莫羞貧羞貧交不成

燕菁

爾雅曰須葍菹也

尚書曰荊州厥貢苞匭菁茅

太平御覽

卷九百七十九

六

詩曰採葍採菲無以下體

又曰爰采葍矣洙之東矣

又曰採荅好聽讒也采葍采葍首陽之東人之爲言苟亦無從

陸機毛詩疏義曰采葍燕菁也郭云今崧菜也可食少味

東觀漢記曰桓帝永興二年詔司隸蝗水爲災五穀不登令所傷郡國皆種燕菁以助民食

吳歷曰劉備歸曹公曹公使親近覘諸將有賓客酒食者輒因事害之備時閉門將人種燕菁公使人窺門卽去備謂張飛曰吾豈種菜者乎曹公必有疑意不可復留其夜

輕馬而去

吳錄曰陸遜諸葛瑾攻襄陽遜遣親人韓扁抄掠瑾問之欲急去遜方催人種荳崧與諸將圍碁以示閒暇

齊書曰武陵王暕性清簡尙書令王儉詣暕畱儉設食盤中崧菜而已儉重其真率爲飽食盡歡而已

又曰周顒清貧寡欲終日蔬食雖有妻子獨處山舍甚機辯文惠太子問顒菜食何味最勝顒曰初春早韭秋末晚菘

梁書曰范元琰家貧唯以園蔬爲業嘗出行見人盜其菘元琰遽退走母問其故乃以實答問盜者爲誰答曰向所以退畏其愧恥今破其名願不泄也於是母子秘之或有涉溝盜其筍者元琰因伐木爲橋以度之自是盜大慙之鄉皆不復草竊

北史曰孟信爲趙郡太守政尙寬和權毫無犯山中老人魯以狔酒饋之信和顏接引殷勤勞問乃自出酒以鐵鑄溫之素木盤盛蕪菁而已

呂氏春秋曰榮之美者其區之菁浸淵之草各土莠荆楚歲時記曰仲冬是月也菜結霜蕪菁葵等雜菜乾之並爲鹹菹有得其和者並作金釵色今南人作鹹菹以糯米熬擣爲末拜研胡麻汁和釀之石筍合熟菹旣甜汁脆亦酸美乎其莖爲金釵服醒酒所宜也

急就篇曰老菁裹荷冬曰藏

太平御覽卷第九百七十九終 吳興陳杰分校

五波

兩雅曰茨盧也

方音曰

廣志曰

太平御覽

卷九百七十九

八



太平御覽卷第九百七十九終

吳興陳杰分校

菜茹部五

蘆菹 芥 蓴 蕘荷 紫菜 苦買

芹 薺 蕨 莖 荇 邪蒿

芸臺 薑柔 鹿角 胡荽 優殿 雍菜

冬風 絡葵 薺 荅 波稜

蘆菹

爾雅曰葵蘆葩

葩方為服蘆菹蕘菁屬紫華大根俗為電葵服字或作菹

方言曰蕘菁紫者謂之蘆菹

廣志曰蘆菹別名電葵

後漢書曰劉盆子在長安時掖庭中宮女猶有數百千人

太平御覽

卷九百八十

一

自更始敗後幽閑殿內拔庭中蘆菹根蒲池魚而食之

東觀

漢記同

北史曰張威隋文受禪遷青州刺史在州頗事產業遣家

奴數人問鬻菹根其奴緣此侵擾百姓上深加責坐廢於

家

正論曰理世不得真賢猶治病無真藥當用人參反得蘆

菹根

唐新語曰開元中中書令蕭嵩以文選是先代舊業欲注

釋之奏請左補闕王智明金吾衛佐李玄成進士陳居等

注文選先是東宮衛佐馮光進入院校文選兼復注釋解

鴟蹲云今之芋子卽是著毛蘿菹院中學士阿外說之蕭

嵩聞之附掌大笑

雲南記曰嵩州界綠山野間有菜大葉而粗莖其根若大蘿蔔土人蒸煮其葉根而食之可以療飢名之爲諸葛菜云武侯南征用此菜子蒔於山中以濟軍食亦猶廣都縣山樾林謂之諸葛木也

芥

魏子曰蓼蟲在蓼則生在芥則死非蓼仁芥賊本不可失也

劉向別錄曰尹都尉書有種芥蓼薤葱諸篇

嶺南異物志曰唐孟珣嘗於嶺表買芥菜蓋壁下忘食數日皆生四足有首尾能行走大如螳螂但腰身細長

太平御覽

卷九百八十

二

又曰南土芥高者五六尺子如雞卵廣州人以巨芥爲鹹菹埋地中有三十年者貴尙親賓以相餉遺

嶺表錄異曰廣州地熱種麥則苗而不實北人將蔓菁子就彼種者出土卽變爲芥

吳氏本草曰芥菹一名水蘇一名勞祖

蓴

南越志曰石蓴似紫菜曰色青

集異記曰丹陽張承先家有鬼長爲取他物會有客須蓴三斗鱧魚二十頭鬼將一小兒置驃騎令小兒睡眠覺看藍中已有鱧魚

幽明錄曰阿東常醜奴泛湖邊拔蒲暮宿空舍時日暮見

一女姿容極美乘舡載尊至舍寄往變而爲獺

蕺荷

說文曰蕺蕺荷也一名荷苴

崔豹古今注曰蕺荷似蓄苴而白蓄苴色紫花生根中花未敗時可食久置則削爛不爲實矣葉似薑宜陰翳地常依蔭而生也

搜神記曰余外婦姊夫將士有傭客得疾下血醫以中蠱乃密以蕺荷根布蓆下不使知乃狂言曰食我蠱者乃張小人也乃呼小小亡云今世攻蠱多用蕺荷根往往驥蕺荷成謂嘉草

葛洪方曰人得蠱取蕺荷棄着臥席下不使知立呼蠱姓

太平御覽

卷九百八十

三

名

潘岳閑居賦曰蕺荷時藿向陽

紫菜

集異記曰會稽照誕入海採紫菜於山上曝之夜忽見羣鬼張目切齒欲來繫誕誕奮刀砍之見鬼悉披麻歷乃就誕乞少紫菜誕不爲與

吳郡緣海記曰郡海邊諸山悉生紫菜吳賦云綸組紫絳者也

苦買

晉書安帝記曰義熙二年有苦買菜生揚州營莖高四尺六寸廣二尺二寸是後歲多征伐人多積苦故苦買者買

苦也

芹

爾雅曰芹楚葵

詩曰霽沸檻泉言采其芹

又曰思樂泮水薄采其芹

列子曰宋國有人其妻告之曰昔有人甘莨菽與芹子卿

豪嘗之誓於其口慘其腸衆哂之

呂氏春秋伊尹說曰菜之美者雲夢之芹也

范汪桐制曰孟秋祭有芹菹

宋林曰豐美菜生雲夢

薺

太平御覽

卷九百八十一

四

爾雅曰薺

思歷切

莫大薺

似薺葉細俗呼之曰老薺

又曰薺

未何切

薺實

廣雅曰薺莫馬辛也

說文曰薺草可食

詩曰誰謂荼苦其甘如薺

荼若菜也而君子於已也苦又甚於茶北方之余則如曰薺

禮曰孟夏之月靡草死

薺亭歷之屬

春秋繁露曰薺以美冬水氣也薺甘味也乘于水氣故美

者甘勝寒也薺之言濟所以濟大水也

淮南子曰薺麥冬生而夏死

抱朴子曰薺麥大棘仲夏而枯

物理論曰夫解小而引大了淺而伸深猶以牛刀割雞長

爰刈薺

吳氏本草曰薺蕘一名折目一名榮冥一名馬駒

雷公神農扁鵲辛李氏小温四月採乾二十日生道傍細

辛乾薑苦參薺實神農曰毒生野田五日五日採陰乾治

腹脹

詩曰陟彼南山言採其蕘

又曰山有蕘薇隰有杞栲

晉書曰齊王秉權張翰謂郡人顧榮曰天下紛紛未已吾

本山林間人無望於時去矣采南山蕘飲三江水也

爾雅曰蕘鼈初生無葉可食

太平御覽江西謂之鼈

古詩曰山桃發紅萼野蕘漸紫苞

詩曰周原膺七蕘茶如飴蕘芽也茶若也菜周之原地紀美所生菜雖行惟苦者皆甘如

禮曰蕘枌榆免蕘滌醴以滑之謂用調和飲食以蕘蕘也類冬用薑夏用菘

爾雅曰薺苦董今董葵也葉似桐子如米泔食之滑

三十國春秋曰劉殷字長盛七歲喪其父哀毀踰禮會祖

母王氏盛冬思董殷入澤申慟哭有董生焉得斛餘

廣語曰夏蕘秋董滑如粉

後漢書曰崔和為平昌太守性鄙恹埋錢百斛其母李春

思董惜錢不買

苜蓿

爾雅曰苕接余其葉苕

葉生水中葉圓在莖端長隨流水深淺江東人食之音苕

詩曰參差荇菜左右流之窈窕淑女寤寐求之

邪蒿

北齊書曰邢恃字士俊以經授皇太子厨宰進太子食有

菜曰邪蒿令去之曰此菜有不正之名非殿下所宜食顯

宗聞而嘉之

芸臺

通俗文曰芸臺謂之胡菜

集韻曰芸臺胡菜

薑菜

太平御覽

卷九百八十

六

方言曰薑之小者謂之穰菜

鹿角

南越志曰猴蔡色赤生石上南越謂之鹿角

葫菱

石崇奴券曰奴常種蘿菔胡菱不親不疎

優殿

南方草物狀曰合浦有菜名優殿以豆醬汁茹食芳好可

食胡薺

雍菜

廣州記曰雍菜生水以為菹

冬風

南州記曰冬風菜陸生宜肥肉作羹二者微味人其重之

絡葵

博物志曰人食絡葵為狗齒則瘡不或致死

蔞

字林曰蔞辛菜也

苳

字林曰苳菜似蒜生水

波稜

唐書曰太宗時居婆羅獻波稜菜葉類紅藍實如蒺藜大

熟之能益食味

太平御覽

卷九百八十

七



太平御覽卷第九百八十終

吳興陳燕分校

太平御覽卷第九百八十一

香部一

香

麝

蕙香

鬱金

雞舌

龍腦

雀頭

香

書曰至治馨香感於神明

左傳曰黍稷非馨馨香之遠聞也

說文曰香芳也

吳志曰士燮兄弟並為列郡權長一州車騎滿道胡人來
穀焚香者常百數千

太平御覽

卷九百八十一

世說曰桓車騎時有陳莊香入武當山學道所居恒有白
煙香氣聞徹

續晉安帝記曰王鎮惡亡繯由魏興太守郭宜之書坐忽
見東莊來因敘舊事相對悲泣勸營功德去後郡內悉聞

香狀如芳煙流散

晉書曰杜太后傳曰海西公之世太后復臨朝稱制桓溫
之廢海西公也太后方仕佛屋燒香內侍啟云外有急奏

太后出尙倚戶前視奏

宋書曰范曄洪和香方其序之曰麝本道忌過分必害沉
實易和盈斤無偽零蠶虛燥層唐黏濕日松蘇合安息爵

金糸 羅之屬並被珍於外國無取於中道又棗膏昏鈍

甲煎淺俗非唯無助於馨烈乃當彌增於有疾也所言悉
以此類朝士麝本多忌比庾仲文零麝虛燥比何尚之魯
唐黏濕比沈演之棗膏昏鈍比羊立保甲煎淺俗比徐湛
之甘松蘇合比惠琳道人沉實易和以自比也

齊書曰韓懷明上黨人也客車荊州十歲母患尸症母發
輒危殆懷明夜於屋下稽顙祈禱時寒甚切忽聞香氣空
中有人子童子母須臾永差無勞自苦未晚而母平復
梁書曰庾詵元尊釋教宅內立道場環繞禮懺六時不息
誦法華法經每日一遍後夜中忽有一道人自稱願公容
止甚異呼詵爲上行先生授香而去

又曰梁武帝祀南郊先是一日景夜南郊令解除之等到

太平御覽

卷九百八十一

一一

郊所履行忽聞異香隨風而至及將行事奏樂迎神有異
仙圍滿壇上朱紫黃白雜沓食頃而滅

又曰王琛本無令問爲太子中舍人諂事何敬容爲其面
前香草脫履躡其草根敬容意以爲善

郭子曰陳騫以韓壽爲椽每會問壽有異香氣是外國所
貢一著衣歷日不歇騫計武帝惟賜已及賈充他家理無
此香難壽與已女通考問左右婢具以實對騫以女妻壽

壽時未昏

金樓子曰齊東昏以錦石爲殿內開千門萬戶又有和香
香氣紛馥聞之使人歡悅生諸野態兼令睡眠

又曰昔王池國有民面醜婦國色鼻 婿乃求婿此婦終

不肯迎願遂往西市售無價名香而燻之還其入室婦既
麝豈香分臭哉

呂氏春秋曰懷腐而欲香入水而惡濡

漢武故事曰上作栢梁臺悉以香栢香聞數十里

漢官典職曰尙書郎懷香搯蘭

神仙傳淮南王爲八公張錦之帷燭百和之香

佛圖澄傳曰澄以鉢盛水燒香呪之須臾生青蓮花香

林邑誌曰朱吾以南有文狼野人居無室宅依樹止宿食

生肉採香爲業與人居市若上皇之民矣

鄴中記曰石虎作沉蘇帳頂安金蓮花花中懸金薄織成

綉囊裏受三升以盛香注帳之四面上十二香囊采色亦

太平御覽

卷九百八十一

三

同

竺法登真羅山疏曰越王擣薰陸香

扶南傳曰頓避國人恒以香花事天神香有多種區撥逆

花途致各逐花摩夷花冬夏不衰日載數千車於市賣之

燥乃盆香亦可爲粉以傅身體

述征記曰北芒有張母墓舊說是王氏妻墓有年載後開

墓而香火猶燃

十洲記曰漢武時長安大疫人死日以百數帝乃試取月

氏國神香燒之於城內死水滿三日者活芳氣經三月不

歇帝始信神物也乃秘錄餘香帝於招仙閣燒靡離之香

屑如粟一粒香氣三月不歇

又曰跋塗闍者胡人也剪髮裸形不食穀飲清水食都吏香如棗核食一斤則歷月不飢以一粒如粟大投清水中俄而滿太孟也

博物志曰西域使獻香

吳制獻香不滿

后不得受西使臨去又發

香器如大豆者試看宮門香氣聞長安四面數十里中經足乃歇

搜神記曰渤海史良姊一女子許婦而未果良怒殺之後夢見曰還君物覺而得昔所與香纓金釵之屬

又曰初釣弋夫人有罪以譴死殯屍不晷而香又曰合淝有一大白船覆在水中漁人夜宿其傍聞箏笛之音又香氣非常相傳云曹公載妓船覆於此

太平御覽

卷九百八十一

四

任昉述異記曰魏武帝陵中有泉謂之香水

古詩云加待香水泉

衣上泉塵

一說香水在拜州香山其水潔香浴之去病吳故宮

自香溪俗云西施處又呼為脂粉塘吳王宮人灌莊於此溪上源至今馨香

又曰南海出百步香佩之聞於千步今海隅有千步香也

是其種也葉似杜若而紅碧間雜貢籍云曰南郡貢千步香漢雍仲士進南海香物拜為涪陽尉時人謂之香尉日南郡有香市商人交易諸香處南海郡有戶日香南郡有

千畝香林古香出其中洲在朱崖郡洲中出諸異香往往不知其名千年私香聞十里亦謂之十里香也

夢書曰夢得香物歸女歸也

曹植洛神賦曰踐椒塗之郁烈步蘅薄而流芳

魏武令曰昔天下初定吾便禁家內不得熏香後諸女醜國家因此得香燒吾不燒香恨不遂初禁令復禁不得燒香其所香藏衣著身亦不得

秦嘉荅婦徐淑書曰令種好香四種各一斤可以去穢淑荅書曰未得侍帳帷則芬芬不設

陸機弔魏武文曰余爲著作郎遊秘閣見魏武令曰餘香可分與諸舍中無所爲學作履組賣也弔曰紆家人於履組塵清慮於餘香

爾雅曰麝父麝足

太平御覽

卷九百八十一

五

詩慎說文曰麝加小麋臍有香從麝聲黑色羴也

義熙起居注曰倭國獻貂皮人參等詔賜細笙麝香

齊書曰東昏侯鑿金蓮花帖地令潘妃行其上曰此步步

蓮花也塗地皆以麝香

唐書曰波斯國人皆以麝香如蘇塗鬚點額及於耳鼻用以爲敬

抱朴子曰辟地法入山以麝香炷著足瓜中皆有效又麝

香及野豬皆坐地故以壓之也又作筆墨法曰作墨用雞

子曰真珠麝香合以和墨宜用九月二日

南夷志曰南詔有婆羅門波斯聞婆渤泥崑崙數種外

交易之處多珠珍寶以煮金麝香爲貴貨

嵩高山記曰有人在嶺上聞異聲清和雅妙尋不復聞唯見一麝香在嶺上側足躑跳忽失所在

荊州圖記曰臨澧縣南有龍寄山有獸多麝

西京雜記曰趙飛鸞爲皇后女弟在昭陽殿遣飛鸞書曰今日嘉辰貴姊懋膺洪冊上撻二十五條以陳緯躍之志

瑪榔葉扇同心梅合枝李青木香螺卮出南淮一九真雄

黃塵香沉水香

續搜神記曰桓哲字明期居豫章時梅立龍爲太守已病哲往省之語梅曰吾昨夜忽夢作卒迎卿來作太山府君梅聞之愕然曰吾亦夢見卿爲卒著衣作迎我數日復同夢如先云八十八日當拜至二十七日晡後桓忽中惡腹

太平御覽

卷九百八十一

七

梅卒
滿遣人就梅索麝香丸梅聞使合作凶具桓便亡八日而

本草經曰麝香味辛辟惡殺鬼精生中臺山也

秦嘉與婦書曰合奉麝香一斤可以辟惡氣

嵇康養生論曰麝香栢而香

麝香

孫氏瑞應圖曰蕘蕘者禮備至則生一曰王者愛人命則生一名蕘香也

鬱香

說文曰鬱香草也十業爲實築以煮之爲堯一合而釀之

以降裸也

周禮春官上曰鬱人掌裸器凡祭祀賓客之裸事和鬱鬯以實彝而陳之

後周書曰秦國出鬱金

後周書曰波斯國大月氏之別種也地出氈氍氈皮及薰陸鬱金蘇合青木香等胡椒華撥石密牛年藁香附子訶黎勒無食子鹽綠惟黃等物

唐書曰天竺國卑濕暑熱稻歲四熟有金剛似紫石英百鍊不銷可以切玉又有旃檀鬱金香通大秦

又曰太宗時伽毘國獻鬱金香似麥門冬九花開狀似芙蓉其色紫碧香聞數十步花而不實欲種者取根

文士傳曰朱穆字公叔作鬱金賦曰莫燿燦以焜煌似旭

太平御覽

卷九百八十一

七

日之普照遠而望之粲若星羅出雲嶠近而觀之曄若丹

桂耀湘涯

應劭地理風俗記曰周禮鬱人掌裸器凡祭祀賓客之裸事和鬱鬯以實樽鬯鬱華草也謂用百草之華煮以合釀黑黍以降神香也或說金鬱金香是也

南州異物志曰鬱金者出罽賓國國人種之上取上佛積曰萎煊乃載去之然後取鬱金色正黃細與芙蓉華裏披蓮者相似可香酒

雞舌

應劭漢官儀曰桓帝侍中廼存年老口臭上出雞舌香與舍之雞舌頗小辛熱不敢咀咽嫌有過賜毒藥歸舍辟寒

就便宜家人哀泣不知其故僚友求眠其藥出在口香咸
啞笑之

吳時外國傳曰五馬洲出雞舌香

抱朴子曰或以雞舌黃連乳汁煎之注之諸有百病之在
目愈而更加精明倍常

俞益期賤曰外國老胡說衆香共是一木木花爲雞舌香
南州異物志曰雞舌出在蘇州云是草花可含香口思
廣志曰雞舌出南海中乃剽國蔓生實熟貫之

續搜神記曰王廣豫章人年少未婚至田舍見一女云我
是何叅軍女年十四而死爲西王母養使與下土人交廣
與之纏綿其日於席上得手巾裏雞舌香其母取巾燒之
太平御覽 卷九百八十一 八
乃是火澣布

龍腦

唐書曰貞觀中烏蕞國遣使獻龍腦香

本草曰龍腦香味苦微寒主心腹邪氣風濕積聚出婆律
國 曰松脂作杉木氣明淨者善云合粳米灰相思子
貯 不耗

雀頭

曰魏文帝遣使於吳求雀頭

香部二

蘇合

安息

薰陸

流黃

青木

旃檀

甘松

艾納

霍香

楓香

棧香

木蜜

栴香

都梁

沉香

甲香

迷迭

零陵

芸香

蘇合

續漢書曰大秦國合諸香製其汁謂之蘇合

梁書曰中天竺國出蘇合是諸香汁煎之非自然一物也

又曰大秦人採蘇合先筌其汁以為香亭乃賣其滓與諸

太平御覽

卷九百八十二

一

國賈人是以展轉來達中國不大香也

傅子曰西國胡人言蘇香獸便也中國皆以為

從征記曰劉表家在高平郡表卒禱四方珍香數十斛置

棺中蘇合消疫之香畢備永嘉中郡人發其墓表如生香

聞數十里

廣志曰蘇合出大秦或云蘇合國人採之筌其汁以為香

膏賣滓與賈客或云合諸香草煎為蘇合非自然一種也

傅玄四愁詩曰佳人贈我蘇合香何以要之羣鴛七

班固與弟超書曰竇侍中合載雜綵七百疋市月氏蘇合

香

安息

晉書佛圖澄傳曰石勒時襄國城水源暴竭勒問澄澄曰當敕龍取水乃坐繩牀燒安息香呪願三日水微流有小龍五六尺水隨水末須臾水大至

薰陸

唐書曰曹國出青黛安息青木等香

魏略曰大秦出薰陸

抱朴子曰俘焚洲在海中薰陸香之所出薰陸香木膠也樹有傷穿膠因墮夷人採之以待估客所以賈不多得者所患狃掘罽噉之此獸勁刺不刃投火中薪盡不燵以杖打之皮不傷而骨碎然乃后死

廣志曰薰陸出交州又大秦海邊人採其賈人易鬻若無

太平御覽 卷九百八十二

二

賈人取食之

南方草木狀曰薰陸香出大秦云在海邊自有大樹生於

沙中盛夏樹膠流出沙生夷人採取賣與賈人南州物志同其異香

唯云狀如桃膠史術人同吐云陶於栢法不飲食之令人通神益也

俞允期賤曰衆香共是一木膠為薰陸

流黃

吳時外國傳曰流黃香出都昆在扶南南三千餘里南

異物志同

廣志曰流黃香出海邊國

青木

隋書曰樊子益參武威太守駕車騎西巡將人吐谷渾子

益以多瘴氣獻木香青崇務路

唐子曰師子國出硃砂水銀薰陸鬱金蘇青木等諸香
南夷志曰崑崙正北去蠻界西洱河八十一日程出象
及青木香旃檀香紫檀香檳榔琉璃水精蠶杯

又曰南詔青木香永昌所出其出名青木山在永昌南三
月日程

廣志曰青木出交州天竺

徐南方記曰青木香出天竺國不知其形

南州異物志曰青木香出天竺是草根狀如甘草

俞益期膳曰衆香共是一木木節是青木香

旃檀

太平御覽 卷九百八十二

三

三國典略曰周師陷江陵初梁主以白檀根爲梁武之像
每朔望親祭之軍人以其香也剖而分之

竺法真登羅山疏曰旃檀出外國元嘉末曾有人于山見
一大樹圓蔭數畝三丈餘圍辛芳酷烈其開枯條數尺投
而刃之乃白旃檀

俞益期箋曰衆香是一木木根爲旃檀

崔豹古今注下紫旃木出扶南林邑紫赤亦謂紫檀也
杜寶大業拾遺錄曰籌禪師甚妙醫術作五香第一沉香
飲次丁香飲次檀香飲次澤蘭飲次甘松飲皆別有法以
香爲法以香爲主更加別藥有味而止渴兼于補益

廣志曰甘櫨出涼州諸山

艾納

廣志曰艾納出剽國

樂府歌曰行胡從何來列國持何未既銜伍味香迷送艾

納及都梁

廣志曰霍香

廣志曰霍香出日南

吳時外國傳曰都見在日南山有霍香

南方草木狀曰霍香櫟生良自種之五六月採曝之乃芬

芬耳出交阯武平與古九真

地名

南州異物志曰霍香生曲邕國屬扶風香形如都梁可以

太平御覽

卷九百八十二

四

著衣服中

劉欣期交州記曰霍香似蘇合

范曄和香方曰靈霍虛操

俞益期棧曰中香共是一木木葉為霍香

楓香

梁書曰在坊為新安太守嘗欲營佛齋燒調香二石始入

三升便出教長令與奪自己不欲貽之后人

南方記曰楓香樹子如鴨卵爆乾可燒

魏武令曰房屋不潔听德燒楓膠及蕙草

棧香

廣志曰棧香出日南諸國

南方草物狀曰棧蜜香出都昆不知棧蜜香樹若何但見香甘

嶺表錄異曰廣管羅州多棧香樹身似柳具花白而繁其葉如橘皮堪作紙名爲香皮紙灰白色有紋如魚子棧其紙慢而弱沾水卽爛遠不及楮皮者又無香氣或云沉香雞骨黃塾棧香同是一樹而根幹枝節各有分別者也

南越志曰交州有蜜香樹欲取先斷其根經年後外皮朽爛木心與節堅黑沉水者爲沉香與水面斗爲雞骨殿麝老爲棧香

木蜜

異物志曰木蜜名曰香樹生于歲根木大僵必先之
太平御覽 卷九十八 十一 五

于歲乃往看歲月久樹材惡者腐敗唯中節堅真芬香者獨在耳

魏王花木志曰廣志木蜜樹號千歲樹材甚大伐之四五歲乃取木腐者爲香其根可食

本草經曰木蜜一名蜜香味辛温

栝香

南方草物狀曰栝香莖生出烏澗

都梁

廣志曰都梁出淮安

盛弘之荊州記曰都梁縣有小山山水清淺其中生蘭草

俗謂蘭爲都梁卽以號縣

齊書曰石崇以奢豪矜物厠上常有十餘婢侍列皆有容
色置甲煎粉沉香汁有如厠者皆易新衣而出客多羞脫
衣而王敦脫去著新意色無忤羣婢未嘗曰此客必能作
賊

又曰吳隱之至自番禺其妻劉氏齋沉香一斤隱之見遂
投於湖亭之水

梁書曰林邑國出古具及沉香木古具者樹名也其華成
時如鵝毳抽其緒紡之以作布與紵布不殊亦染成五色
繒爲班布沉香土人斫斷積年已朽爛而心節獨在置
水中則沉故名曰沉香次不沉者棧利之屬

太平御覽

卷九十一

六

陟書曰至德二年乃於光照殿前起臨春結綺望仙三閣
高數十丈並數十間其牖牕壁帶懸楣

檻之類悉以檀香爲之

唐書曰先天子年十月親講武於驪山之下徵兵二十萬
上親環戎服持沉香大槍立於陣前威振宇宙長安士庶
奔走輒觀填塞道路

又曰長慶中波斯大賈李蘇沙進沉香亭子材左拾遺李
漢上疏以爲沉香亭比瑤臺玉室上頗怒言過特優容之
金樓子曰扶南國衆香共是一木根便是旃檀節便是

水花是鷓占葉是霍香膠是薰陸

竺法真登羅山疏曰沉香葉似冬青樹形崇竦其木枯折

外皮朽爛 內乃香山雖有此樹而非香所出新會高涼
土人斫之經年肉爛盡心則爲沉香出北景縣樹極高大
土人伐之累年須外皮清盡乃割心得香

郭子橫洞冥記曰薰水鮮祇所獻色如玉而質輕泛之昆
虛池爲舟爛則沉於屑其碎氣聞數百里氣之所至毒疫
皆除

杜室大業拾遺錄曰四年夏四月征林邑國兵還至獲彼
國得雜香真檀象牙百餘萬斤沉香二千餘斤

又曰尚書合楊素大業中冬都宅造沉香堂甚精麗初沉
堂訖閉之三月后開視四塵並爲新血所酒腥氣觸人

異苑曰沙門之去存在廣州有尺紙餅又有沉香八尺拔

太平御覽 卷九百八十一

七

牀大元中王琰州太兒劬求二物不得乃殺而籍焉

南州異物志曰沉水香出日南欲取當先壞樹着地積
久外皮朽爛其心至堅者置水則沉名沉香其次在心白
之閒不甚堅精置之水中不沉不浮與水面平者名曰棧
香其最小名曰繫

俞益期成曰衆香共是一木 冰心爲沉香

甲香

廣志曰甲香出南力

南州異物志曰甲香螺屬也大者如甌面前一邊直攙長
數寸圍殼岨崕有刺其掩可合衆香燒之皆使益芳獨燒
則臭甲香一名流螺謂之中流最厚味

范曄香芳曰甲煎淺浴

迷送

魏略曰夫秦迷送

廣志曰迷送出西海中

魏文帝迷送賦曰余種迷送于中庭嘉其揚條吐香穠有
令芳乃爲之賦曰坐中堂以遊觀覽芳草之樹庭舞妙麗
于織枝揚修幹而結葦薄六夷之穢俗超萬里而來往豈
衆華之是芳信希世而特生

應錫迷送香賦曰振織枝之翠粲動採葉之菲菲舒芳香
之酷烈乘涼風以徘徊

陳班迷送香賦曰立碧莖之荷卅六條之螳螂

太平御覽

卷九百八十二

八

零陵

南越志曰零陵香土人謂之驚草

芸香

說文曰芸草似苜蓿

淮南子曰芸可以死而復生

雜字解詁曰芸杜榮

大戴禮夏小正曰採芸爲朝菜

禮記月令曰仲冬之月芸始生

禮圖曰芸蒿曰葉似蒿香美可食也

魏略曰大秦出芸膠

洛陽宮殿簿曰顯揚殿前芸香一株徽音含章殿前各一

棟
晉宮閣銘曰太極殿前芸香四畦式乾殿芸香八畦徽音殿前芸香芻花十一畦明光殿前芸香芻花八畦顯陽殿前芸香一

唐志曰膠有安息膠有黑膠

吳氏本草經曰石芸一名微列一名領隊

傅玄芸香賦序曰始以微香進入終于捐棄黃壤吁可閔也遂詠而賦之

成公綏芸香賦曰美芸香之修潔稟陰陽之淑精莖類秋竹枝象春松

傅咸芸香賦序曰先君作芸香賦節頭高麗有藐斯丹蔚

太平御覽

卷九百八十一

九

茂馨香同遊使余爲序

禮曰婦人或賜之菑蘭則受而獻之舅姑

左傳曰鄭文公有賤妾曰燕姑夢天使與己蘭曰余爲伯儵余而祖也以是爲而子以蘭有國香人服媚之旣而又見之與之蘭而啣之辭曰妾不才幸而有子將不信敢徵蘭乎姑曰諾生穆公名之曰蘭

論撰考識曰漸於蘭則芳漸于鮑則臭

史記曰冬至短極蘭根生

蜀志曰先主殺張裕諸葛亮救之先主曰芳蘭當門不得
不鋤

晉書曰惠帝時愷縣有人如狂造書曰兩火沒地哀哉秋蘭歸形街郵終爲人嘆及楊駿已死楊后被廢賈后絕其

太平御覽

卷九百八十三

二

膳八日而崩葬郵街亭北百姓哀之兩火武帝諱蘭楊后
字也

宋書曰劉湛欲袁淑附己而淑不爲改意由是大相乖失
淑乃賦詩曰種蘭忌當門懷壁莫向楚楚少別玉人門非
種蘭所

晏子春秋曰曾子將行晏子送之曰嬰聞曾子贈之以財
不若以言吾請以言乎夫蘭木三年而成湛之若修則君
子不近庶人不佩湛之麋醢而駕征馬矣非蘭木美也願
子必求所湛

蘇子曰蘭以芳白燒膏以肥自炳翠以羽殃身蚌以珠致
破

文子曰日月欲明浮雲蓋之藜蘭欲修秋風敗之

又曰蘭芷不爲莫服而不芳與君子行游苾兮如入蘭芷之室久而不聞其香則與之化矣

范子計然曰大蘭出漢中蘭輔出河東弘農白者善

孫卿子曰人之親我欣若父母其好我芬若椒蘭

淮南子曰兩心不可以得一人一心可以得百人男子樹

蘭美而不芳

蘭芳草美芳也

男子植之蓋不繼子得食肥而不澤

織子假母也

粗不相與往來也

淮南子曰蘭生幽宮不爲莫服而不芳

抱朴子曰人鼻無不樂香故流黃鬱金芝蘭蘭合立膳索

膠江籬揭車春蕙秋蘭價同瓊瑤而海上之女逐酷臭之夫

太平御覽

卷九百八十三

三

家語孔子曰芝蘭生于深林不以無人而不芳君子修道立德不爲困窮而改節爲之者人也死生者命也

語林曰謝太傅問諸子姪曰子弟何豫人事而政欲使其

佳諸人莫有言者車騎荅曰譬如芝蘭玉樹欲使其生于

堦庭耳

又曰毛伯成旣負其才器常稱寧爲蘭擢玉折不作蕭芳

艾榮

羅含別傳曰含正位還家庭中忽自生蘭此得行幽感之

應

蔡質漢官儀曰尙書郎懷香掘蘭趨走丹墀

盛弘之荊州記曰都梁縣有小山山上水極淺其中悉生

蘭草綠葉紫莖芳風藻谷俗謂蘭爲都梁卽以號縣云
本草經曰草蘭一名水香久服益氣輕身不老

楚辭曰余旣滋蘭之九畹兮

滋時也二
十畝爲畹

又曰扈江離與辟芷兮

扈披也楚人名披曰
扈 芷皆香草名也

紉秋蘭以爲

佩

又曰沅有芷兮澧有蘭

言沅江之中有盛茂之芷澧水之中
有芳香之蘭喻夫相美亦異于衆人

也 欲思君子未敢言

又曰秋蕭兮蘼蕪羅生兮堂下綠葉兮素枝芳菲兮襲公

子秋蘭兮青青綠葉兮紫莖滿堂兮美人忽獨與余兮日

成

又曰光風轉蕙泛崇蘭

太平御覽

卷九百八十一

四

趙壹疾邪賦曰勢家多所宜咳唾自成珠被褐懷珠玉蘭

蕙化爲芻

張衡怨詩曰秋蘭嘉味人也嘉而不獲用故作是詩也猗

七秋蘭植彼中阿有馥其芳有黃其葩雖曰幽深厥美彌

嘉之子之遠我勞如何

鄒炎詩曰靈芝生河州動搖回洪波秋蘭榮何免嚴霜害

其柯哀哉之芳草不植太山阿

琴操曰猗蘭操者孔子所作也孔子聘諸侯莫能任自衛

反魯過億谷之中見薺蘭獨茂喟然嘆曰夫蘭當爲王者

香今乃獨茂與衆草爲伍乃止車援琴鼓之傷不逢時託

辭于薺蘭云

晉傅玄咏秋蘭詩曰秋蘭蔭玉池池水清且芳雙魚自踊躍兩鳥時徊翔
晉王羲之蘭亭記曰永和九年歲在癸丑暮春之初會于會稽山陰之蘭亭修禊事也

廣雅曰蘼蕪蘼蕪也楚謂之籬晉謂之翼齊謂之莖說文曰江籬蘼蕪也

爾雅曰蘼草蘼蕪

春秋運斗樞曰維星散爲蘼蕪

淮南子曰亂人者若地床之與蘼蕪其貴自餘以山海經曰同庭之山其草多蘼蕪

廣志曰微之香草魏武帝以藏衣中

太平御覽

卷九百八十三

五

吳氏本草曰蘼蕪一名芎藭

古詩曰土山採蘼蕪下山逢故夫

郭璞讚曰蘼蕪善草亂之蛇床不隕其貴自別以芳

草蕪

廣雅曰皇草蕪草也

山海經曰天帝之山其下多管蕪升山其草多蕪

廣志曰蕪草綠葉紫華魏武以爲香燒之

楚辭曰光風轉蕪泛崇蘭

又曰旣滋蘭兮九畹又樹蕪之百畝

司馬相如子虛賦曰於是乃相與撩於蕪圃盤盪穀幸

金堤

葛車

爾雅曰葛車芑輿也

說文曰葛車芑輿也

廣志曰葛車黃葉白華出徐州

楚辭曰畦畱夷與葛車雜杜蘅與芳芷

杜蘅

山海經曰天帝之山有草焉其狀始葵臭如蘼蕪名杜蘅
可以走馬食之而瘦

爾雅曰杜王鹵也

唐書曰貞觀中度支郎以咏謝朓詩曰芳洲多杜若乃下

坊州合貢州判司報云坊州不出杜若應由謝朓詩誤太

太平御覽

卷九百八十三

六

宗聞之大笑判司改雍州司法度支郎免官

廣雅曰杜蘅杜若也

范子曰計然曰杜若山南郡漢中大者善

本草經曰杜若者名杜蘅

白芷

山海經曰號山其草多葍

廣雅曰白芷葉謂之葍

淮南子曰今鼓舞者便媚擬神身若秋藥被風髮若結旌

范子計然曰芷出齊郡以春取黃澤者善也

本草經曰白芷一名芳香味辛温生河東

吳氏本草經曰白芷一名囂一名符離一名澤分一名菴

楚詞曰獻歲發春兮汨吾南征綠蘋葉齊兮白芷上

文曰桂棟兮蘭橈辛夷楣兮藥房

又曰擘木根以潔芷兮擊持也貫薛荔之落藜

荃香

楚辭曰荃不察余之中情兮荃香草以喻君彼分香欲香以草爲喻反信讒而

濟怒

又曰荃橈兮蘭旗

薰香

左傳曰晉獻公以驪姬爲夫人卜人曰一熏一猶十年尚猶有臭

山海經曰浮山有草焉麻葉而芳莖赤花而黑實花如麝

太平御覽

卷九百八十三

七

蕪名曰薰草也

廣雅曰鹵薰也其菜謂之蕪

魏略曰大秦山薰草

蘇子曰象以牙喪身不能去其白薰以芳自燒不能去其

香

淮南子曰以潔白爲汙辱譬猶沐浴而杼溷薰燧而負燕

抱朴子曰常以執日取天井上泥以和栢葉草而以泥

戶方一寸則盜賊不末

西京雜記曰漢掖庭有綠熊席其席皆長一丈餘眠而擁

毛自蔽望之不能見坐則沒膝其中雜諸薰香一坐此席

餘香百日不歇

成公綏宣清賦曰哀薰草之見焚

兜末香

漢武故事曰西王母當降上燒兜末香兜末香兜渠國所獻大葑塗門香聞百里關中常大疾疫死者因生

反生香

真人關令尹喜傳曰老子曰真人游時各坐蓮花之上花徑一丈有反生靈香逆風聞三十里

驚精香

十洲記曰聚窟洲在西海中上有天山形似烏之狀因名爲人鳥山鳥山中多大樹與栢相似而秀芳華藥香聞百里名返生魂樹叩其樹樹能作聲如牛响聞者必震駭伐太平御覽

卷九百八十二

八

其木根于玉釜中煮取汁更微微以大熟煎如黑飴令可丸名曰驚精香或曰震靈丸亦曰返生香亦名却死香氣聞數百里死屍在地聞氣卽活延和六年春和胡月氏國王遣使獻香四兩大如雀卵黑如桑椹帝以香國中所乏以付軍

白哈狸

異物志曰白哈狸剝其外韋囊以酒酒而陰乾之其氣如若雜真麝中鮮有別者

藁本香

水經曰三城水又經香山山上悉生藁本香世故名焉

神精香

郭子橫洞冥記曰元朔二年波祇國亦名波弋國獻神精
香草一名荃蘼一名春蕪一根五百條其枝間如竹節柔
軟其皮其絲可以爲布所謂春蕪布亦曰香荃布堅密如
紈也掘之一斤滿宮皆香婦人帶之彌爲香馥

龜甲香

在昉述異記曰龜甲香卽桂香嘉者一名紫木香一名金
杜香一名蘼草香出蒼梧桂林二郡界今吳中有蘼草似
蘭而甚芳

太平御覽

卷九百八十三

九

續前出卷

出香一名蘼草香出蒼梧桂林二郡界今吳中自蘼草似

小御蘼草出白龜甲香也出香蘼草一名紫木香一名金

龜甲香

太平御覽之其蘼草香也人帶之彌爲香馥

其香也其蘼草香也人帶之彌爲香馥

其香也其蘼草香也人帶之彌爲香馥

太平御覽第九百八十三終

